

مارس، رجب، شعبان  
١٤٢٧ هـ

أجل  
الأستاذ الدكتور  
صالح بن الخضر  
الخطيب

# ليالي تسالي

مسرحة شعريّة

أحمد الخولي

and related information and data are not to be used for any other purpose than the one for which they were collected.

The information is not to be used for any other purpose than the one for which it was collected.

## **إهداء**

إلى قريتي تسالي القاطنة خلف  
حدود الوطن  
وإلى حيلي المثقف المهزوم تحت  
وطئة الجهلاء

**أحمد الخولي**





## الفصل الأول

المنظر : عبارة عن مضيقة أو دوار في بيت ريفي وفي مؤخرة المسرح من الجهة اليمنى مدخل عمومي في نفس الاتجاه في منتصف المسرح مكتب والجهة المقابل لها فتحة شبابك وعند فتح الستار يشاهد شخص يجلس على المكتب في العقد الثالث من عمره يدون في كراسه .. كما أن في مؤخرة المسرح ( فتاتين ) تقف كل واحدة في زاوية من مؤخرة المسرح إظلام إلا من ضوء الشموع ويؤثر ضوء مركزة على الشخص الجالس على المكتب بنات الشعر في حركة تقاطعية على المسرح في صوت واحد .

بنات الشعر : إنسان ورق .

الأستاذ : إنسان ورق .

بنات الشعر : من أي شيء يبتحرق .

الأستاذ : إنسان ورق .

بنات الشعر : آدي الضمير نازل معاه جوف الفرق .

الأستاذ : إنسان ورق .

بنات الشعر : شاب النسيم في سكتة عمره إتسرق .

الأستاذ : إنسان ورق

بنات الشعر : عمر التاريخ ما يذكره ولا حرف من اسمه برق

الأستاذ : إنسان ورق

بنات الشعر : إنسان ورق

الأستاذ : إنسان ورق

بنات الشعر : إنسان ورق

الأستاذ : إنسان ورق

( يدخل حلمي أبو ماضي من فتحة الشباك / ٢٥ )  
سنتَ يدين بالملابس البلدية دون أن يراه أحد  
يقف بجوار المكتب في الوقت الذي تحرك فيه  
الأستاذ وعادت بنات الشعر إلى مؤخرة المسرح

الأستاذ

: إرتاح في ضلّة أحلامه

وف قلب الخوف

إشتاق ليالي على شوقه

من وير الزيف

عايش طريق كله منور

وعليه ييشوف

أيام بتضحك تتواعد

لأيام كسوف

" حلمي يفاجئ الأستاذ "

حلمي

: فهمني نفسي في يوم أفهم

بتقول على أيه

يا ريت تعلمني في مره

خد أجر عليه

دا حرام أعيش وحدي فايتني

أطرش ووحيد

الأستاذ

: يا أخينا خبط .. إتكلّم .. أدي إشاره تدخل كده

من غير دستور داخل الحاره ؟ ..

جاهل صحيح ولا تتعلم بتعيش في ضلام

حلمي

: كتير بقولك علمني

ما أنا يعني أخوك

لو حتى بس تعرفني

الخط إزاي

الأستاذ : لا عمر نافع ذوق وياك

ولا انت حتى بتتعلم

الجهل شايه عرض قفاك

وأكاده عنه بتتكلم

فيه حد يدخل م الشباب

حلمي : الجهل أنا صاحي وياك

أما بقى حكاية الشباب

فن وعلم - أصول تكتيك

من حقى أدي فيها دروس

أستاذ كبير ومتعلم شغل المواسير

الباب عشان تدق عليه

محتاج له غفير

يرد وتقول عايز إيه

غير التكشير

لكن دخولك من الشباب

يوصلك بره بجوه

تعمل معاه شرط المقسوم

والقسمه منك له هو

فاهم بقى ياسى الأستاذ

وعمرى عايش واتحداك

لو مره باب وصل إنسان

ومد ايده ليوم عشاك  
الباب ما مره يودي طريق  
الكل حيقولك ولع  
ولع .. ولع .. نورك ولع  
أمال يا بيه دنيا غريبه  
( يغني ويدور على المسرح )  
هيا الجنيه ع التخشيه  
طلع مسجون  
الطفل من غيره موز  
والواد معاه راح يتجوز  
والكل يقولك يا حلاوة  
معانا تبرز راح تنجز  
تحيا الشبابيك  
الاستاذ : كثير من الماضي تغير  
بقيت صحيح إنسان ثاني  
فيه حد يدخل م الشبابك  
يمكن ما كنش وحداني  
وحتى قولي نقيد النور  
( حلمي يخط بيده على المكتب )  
حلمي : يا عمر يالا قيد النور  
لضي افتح يا سمسم  
( ينظر يمينه ويسراه ويطلق صفارة طويلة  
لمشاهدته بنات الشعر )

حلمي	: للصيح نسهر نتكلم وكما يا ريتنا نتعلم الواد يواصل ونسلم لبينات الحور
الأستاذ	: اياك تسنى الظن افهم يا حلمي دول مش اياهم
حلمي	: معقوله تجي طب واذاي ؟ وايه ياخويا كان جابهم
الأستاذ	: جايين هنا يا دوا مهمه
حلمي	: يعني دول وياك شياطين
الأستاذ	: فعلا حقيقى دول مش ناس
حلمي	: ولا عمرهم فى جمال الناس حاجات كده م السما نازلين الدنيا ولا فيها جمالهم من غير جناح جايين طاييرين علشان جنابك تقايلهم حاجات حلاوه إنما زغاليل يا ريت تقربنا منهم
الأستاذ	: بلاش تبص لناحيتهم يا حلمي مره افهمني
حلمي	: للصيح افهم / أنا وياك يا عمر قولنى وفهمني زعلان على ايه

يعني الكلام فى الحب حرام  
 عشان فى مره حتعزمني  
 طول عمرى عارف ألاعيبك  
 فى الحاره واتمني الخدمه  
 الدنيا من سحر عيونك  
 تهون عشان منك نظره  
 اللدنيا أنتي ونور عيني  
 يلى أنتي دنيا على دنيا

الأستاذ : " متفعلا" يا اخينا قولنا دول مش ناس  
 حلمي : آه .. زي كده ما تقول خيالات  
 فيه لعبه غيرها تكون أحسن

الأستاذ : طب غور وأبعد أحسنك  
 حلمي : نقسم . وأنت اللى يبقى عليك تختار  
 يا عم أقولك .. عايز كام

الأستاذ : عمرك وعمر الباقي معاك ما يوفى  
 توصل يوم فكره  
 الجهل شايه العمر معاك  
 يوصلك حتى ليكره  
 بيع لأهلك وضميرك  
 وأزاي دقيقه تكون وياك  
 ما لكشي غير نخرج بره  
 بره .. بره .. إطلع بره  
 آخر يوم على بيتي تعود

وياك تشوفني واشوفك يوم

- حلمي : ياه .. نسيت أقولك  
جايك ليه  
الأستاذ : بره ومش عايز أعرف  
حلمي : أكيد ضروري لازم تعرف  
الأستاذ : قول .. خلصني  
حلمي : يا ريت تقوم تيجي معايا  
الأستاذ : خير يا رب .. نروح على هين  
حلمي : عندي شغلانه لطيفه  
.. إنما هائله  
الأستاذ : شغلانه .. شغلانه ايه .. ؟  
حلمي : شغلانه حلوه على ذوقك  
خفيفه كده وفلوسها كتير  
الأستاذ : نسيت في مره إني أشكيك  
من وقف الحال ؟  
حلمي : عارفني أحبك .. قلبي عليك  
الأستاذ : قول خلصني  
حلمي : أنت الوحيد تقره وتكتب .. صح ؟  
الأستاذ : صح .. ؟  
حلمي : أونطه حبه على الابنضه  
وفهولة أهل البندر  
النور معانا يكون متقاد

الأستاذ : برضه حدد شغلانه أيه ؟  
وكده نقول بالبلدي  
تسيب الأمس . وتياب الأمس  
واليوم ده تلبس توبه معاه  
لفوق تكون فعلاً أستاذ  
وياك أكون أنا لك عكاز  
وقت القلط وياك ستيد

الأستاذ : عايزني أعرف أنني فهمت  
وحياة أبوك ما فهمتكش  
حللي : نعيد نزيد كده بالبلدي  
فى الكفر ناس بتسيب الأرض  
تحب ترحل وتهاجر  
أنت الوحيد حتسقرهم  
والأجر مقسوم وأنا ساتر  
وتقولهم السكه لفين  
واللى بيسلك يكون شاطر  
الهبش يكثر وتبقى كبير  
وتكون لفوق فعلاً أستاذ

الأستاذ : تقصد كده أنا أكون نصاب  
حللي : هل يعني . بالظبط ضرورى ؟  
ده اسمه شغل يأكل عيش  
منه العيال بقوا رجاله  
وقلعوا الخيش



سبيك بقى من قفل المخ  
يا لا نعيش  
الشهد مد وعرض إيديك  
الكل تلاقه حيطاوعك  
تحط إيدك ع التفتيش  
الاستاذ : أتغيرت يا حلمي كثير  
ريجة عمرك ..  
سقطت منها عوالم تانيه  
كان مرتاحه ف حب البال  
نبت زهر ماهوش معتاد  
فى أوانه يكون  
لونك لبسك .. ضعفك  
أحلى ما كنت الأقيه والأقيك  
عشت مقاس على طول الضعف  
وعرض الطول  
وقد ما كنت تعيش محروم كنت كتوم  
حلمي : أعلم أن اليوم الجاى  
محتاج تكون له عنيد  
شد رحابة عمرك  
عيش من يوم على عهد جديد  
هز الصمت ونطق فيه شلال  
قبضة يومك غير أيا منا زمان  
أسكب نار على جسر الرعب

خلى الكل يبات مرعوب  
 تقبض كام .. تدفع كام  
 الأستاذ : عمرى ما كنت أعيش حلمي أبو ماضى اليوم  
 اعلم أنى باعيش فى خيال الموت بهوم مستني  
 عنيد  
 وانت تعيش من ضى ورنيش  
 حلمي أبو ماضى حياه من عدم البال  
 حلمي أبو ماضى زمان  
 قلبه طريق جسرين من زرع تيل  
 عمره بيحلم أنه يقيد بصوابه ظلام الليل  
 حلمي أبو ماضى اليوم  
 شئ من عدم البال  
 حلمي : أوهب نفسك لأجل تعيش  
 حتلاقي الدنيا حياه  
 أنسى الماضى بكل أهاته  
 أنسى عقول محرومه تعيش اليوم م الخير  
 بعتر كل الماضى وأنسى الزمن المر معاه  
 أعزم يوم على وعد  
 وعيش بهواه  
 كثر تسالى زيه  
 زي بقيت الناحيه سد القول  
 هد الحلم ويات مقتول  
 لو كان يفتح نص العين م الحول للحول

الأستاذ : أنسى طريقك ليه خلاص  
 أنسى الماضى وكل ايامنا زمان

حلمي : جاي أديلك وأعمل منك  
 إنسان تاني .. إنسان ناجح  
 أنا فى العالى وأنت ما زلت  
 بتحلم أن اليوم يعدي عليك بربع القوت  
 أنت ما زلت تعيش فى الماضى  
 عيش الدنيا فلوس  
 قد ما جيبك فيه مليون  
 قد ما تعرف سعر كرام

الأستاذ : سعى !! بقيمتي بقرش حلال  
 أملى جيبويى حرام وأزاي  
 من ملك الفير ؟ !!  
 أفهم أن الحق له ألف طريق

حلمي : أفهم إنك أنت الأول لازم تصحي  
 لازم تصحي .. أصحى  
 أنت فى عز النوم  
 أعرف أن الزمن الجاي  
 محتاج العزم مع التفكير

الأستاذ : تفكير .. ؟ أنت تفكر فى إيه ؟

حلمي : فى معنى قصيدة شعر تهد الحيل  
 وتجييب الهم والقمر فى عز الليل  
 تاخذ ولا تديش

أي والله .. تأخذ ولا تديش  
بعد ما تكتب عايظه طباعه  
حتى كمان للنشر يكون فيه صداقت  
تحجز اسمك في الأرشيف  
في كتاب الحب مع الأحباب  
بالعربي تلف ندور  
قول يا فصيح .. ؟ .. محتاج ايه ؟  
يبقى وصلنا لبعض تمام  
تدفع تعلم .. تأخذ كام  
لكن اعلم أنك تخسر  
تخسر ولا تقبضش  
أنت في شر طريق الوهم  
دنيا ماليا الفقر .. وكيف الصبر  
كده بالبلدي وبالخطيط .. أنا  
أنسان ناجح  
ناجح  
أما جنابك  
انسان فاشل  
فاشل .. فاشل  
تعمل كل الشعر وسيلت  
تداري بيها عيوبك  
فاشل .. فاشل .. فاشل  
تسخر مني .. إنسان حاقد  
يوم ما تشوفني في أي نجاح

الأستاذ

تبات مغموم  
ياما حاولت تقلد نفسك بيه  
كنت تعود وتأكد إنا بعيد عن بعض كثير  
أنا بعلام ومثقف  
وانت العايش إنسان جاهل  
وسط ضلام  
  
: حلمي : كنت .. كنت حاكون إيه يعني ..  
طريق تمشيه وتشمر روائح الجنة  
وتعرف علمي عليه  
ولا ياخي راح اعبى فلوس بالكوم  
عمر الفقر بينحت وبرك  
يوم ما اتعلم وأبقى كبير  
إيه راح أكون  
يعني جنابك اسمك ايه  
قول يا سعادة البيه ؟  
قول أستاذ  
مظظ يا سيدي في صحن الدار  
يعني مثقف  
قول مظظين وثلاثه وربع  
  
: الأستاذ : جاهل .. غبي عرييد  
: حلمي : جاهل صحيح وباعترف  
أما الغبي  
أنت الغبي

عائش حياة الأغبيا  
أمات كلام  
إن جعت تيجي أكلك زي البلد  
فايتك وماشي .. إن عزتني  
نايب الباشا الكبير .. تلقاه أنا (يخرج من النافذة )  
الأستاذ : لصوص .. كونيأك دمانا بيشريوه وقت السحور  
ويقطعوا من لحمنا  
ويقسموه على بعضهم  
ساعة الفطار  
الباشا من قصره الكبير  
يسرق وله باشا معاه  
ياخد ويقبض والتمن  
دم الفقير  
والمسروقين كتير هنا والعيشة بالكاد متقدره  
والأغبيا .. باعوا النضمير  
وأدي التمن ..  
التمن .. إن الحياه متلخبطه  
( يتحرك ويجلس على المكتب كما أن بنات  
الشعر يتصدران المسرح )  
بنات الشعر : أيام بتجري ف هواه  
وعينيه شافيه مداه  
تحسب حساب من لقاه  
وتعيش معاني رضاه  
يرضى بحاله الكذوبه

يهش بشاله اللعوبه  
ضحكت نياهته الغريبه  
ينسى ف سنينه أساه  
أصل الزمن له عطاءه

الأستاذ : ( يتحرك من المكتب إلى منتصف المسرح وهي  
اتجاه بنات الشعر )

بنات الشعر : هي كده  
الأستاذ : هي كده

بنات الشعر : راس الوابور كانت أمام  
في القطر رجعت للورى

الأستاذ : راس الوابور كانت أمام  
في القطر رجعت للورى

بنات الشعر : متفصله ومترتبه من الزمن  
الأستاذ : متفصله ومترتبه من الزمن

بنات الشعر : إن السبنسة تشدنا  
الأستاذ : إن السبنسة تشدنا

بنات الشعر : إزاي كده ؟  
نرجع شويه للزمن  
ونسأله إزاي حصل

( تطفأ الأنوار في اتجاه بنات الشعر في مؤخرة  
المسرح وتضاء إضاءة مسحوبه إلى الخلف استرجاع  
الماضي "فلاش باك" الأستاذ في مقدمة المسرح  
ثم تدخل مجموعة من أطفال القرية مسرعين

وامامهم حلمي أبو ماضي والأطفال يقدفونه  
بالطوب)

حلمي : ارحموني .. حوشوا عني .. انتهىت  
ليه يا ناس .. ليه كده .. تظلموني

الأطفال : خد .. وخد يابن الفازيه

خد .. وخد يابن الفجرية

خد من ايدي الطوية ديه

وأدي كمان الطوية ديه

طفل : ليه يا حرامي تسرق أمي

هين يا حرامي صيفت أختي

هات يا حرامي خلخال خالتي

خد يا حرامي

هات يا حرامي

أنت حرامي كبير كبير

يا حرامي يابن الحراميه

قاعدين لك هنا للصبحيه

يا حرامي يابن الفجرية

الأستاذ : لو أنتوا صح ولاد جدعان

حلمي أخونا ما تشتمهوش

في الكفر ومتربى معانا

الكل بره ما يستناش

والصبح بكرة أقابلكوا

وكل واحد بره قوام



بره .. بره .. بره

( الأبطال تخرج )

الاستاذ : ليه بتمد ايديك على حاجت الناس  
لو محتاج عرفني اطلب مني  
بلاش إحراج ..  
تسرق مين .. ؟  
أمي وأمك  
أختي وأختك

حلمي : أنا ما سرقتش

عمرى ما كنت حرامي فى يوم  
ياما كتير من ناس سارقاني ولا باتكلم  
شلت همومى فى قلبى وسأكت  
راضى بلقمة عيشى وفقرى  
راضى بأبيها هدمه تستر عيبي  
أعمل طول اليوم على مدة أيد إحسان لله  
حد سألني أجزك كام  
لما أخطأت الكفر يحاسبني - ويعذبني  
قاضى وجالد وأنا مجلود  
أفهم مني أن كنت صحيح راجل متنور  
بعد اليوم ده حا أطيح فى الكفر  
حقى يكون بدراعي فى عبي  
واللى يحاول يعمل ليه زي زمان  
مش حا أسكتله

- الأستاذ : مهما أن كان ترد عليه  
وحتتجاسب في اللي عملته  
لو حتموت ه الجوع مش ممكن  
ما يخلكش تمد ايديك  
قوللى وخذ من مالى اللي يكفيك
- حلمي : كفى تسالى بكل ما فيه ومن أملاك  
مش كان واجب يسأل عني  
ابن الكتر وجوه الكتر باعيش طول عمري  
فكر واحد مره في عمره أنى مصيرى يوم أتجوز  
ولا أتجوز تاني غازيه  
يطلع أبني ابن غازيه تهد في عشه
- الأستاذ : ما يخلكش تمد أيديك  
حلمي : أستاذ .. أستاذ أنا ما سرقتش  
أنا ما سرقتش .. أنا ما سرقتش
- الأستاذ : مين اللي بيسرق منك قوللى  
حلمي : وسط قيراط الملك قعدت  
تخت النخلت .. وأتمددت  
راضى بحالى والمقسوم  
لمحت عيني شخص غريب  
بيشق الأرض ونادي عليه  
( تطفأ الأنوار ضوء خفيف يدخل شخص غريب )
- الغريب : انت حلمي أبو ماضى السيد  
حلمي : أيوه يا بيه

الغريب	: أنت المَبِخْت
	أمك ياما كتير داعيالك
حلمي	: خير أن شاء الله
الغريب	: شوف ياسى حلمي
	جيت على شان أديلك سعدك
	أنت فى وعد معايا أكيد
	ارضك ..
حلمي	: مالها يابيه
الغريب	: فين .. علمي جدودها
حلمي	: أدى قيراط الطين ده ملكي
الغريب	: ألف وألف عليك مبروك
حلمي	: خير أن شاء الله نكون على آيه
الغريب	: ع الكنز
حلمي	: كنز يا بيه .. أجعله خير
	حتى الواحد وش كنوز
الغريب	: أيوه يا أخينه ليه متشائم
	قول يا دعاء الوالده معاك
حلمي	: لازم دعوه بهز الوسط
الغريب	: ليه حنليخ .. كنا أصحاب
حلمي	: ودي لمؤاخذه تزعل ف آيه
	ناخده وندي فى بعض أحرار
	وايه حيكون مني المطلوب

الغريب	: قوم وساعدني مد أديك
حلمي	: كلى أيدين ممدوده معاك
الغريب	: لا .. أمسك مني طرف المتر وقيس ( حلمي يمسك طرف المتر ويتابع ملاحظاته )
الغريب	: أشويه معاك المتر لتحت جنب الحد خطوه يمين وحبه لفوق
حلمي	: صح يا بيه
الغريب	: عايز فاس
حلمي	: عشرين فاس .. سهل نجيب ( حلمي للأستاذ )
	فحت .. فحت .. فحت
	نزلت .. نزلت .. نزلت
	لسابع أرض تعبت
	فجاه وقال
الغريب	: كده هي العمق تمام مطلوب
	فيه تباخير نحتاجها نجيبها
حلمي	: ممكن شيخه كما وياك
	كفر تسالي مشايخه كثير
	أهله يحبوا بقلب وروح وضمير
الغريب	: لا يا أخينا
حلمي	: آمال أيه
الغريب	: أصل الحارس حبه مزرجن

حلمي : برضيه آيه  
كل ما يطلب هاته يا عم وانا سداد

الغريب : قال بيقوللى عايز جره  
فيها الطلوس أموال حره  
أما الذهب ملو الصره  
مختوم عليه ختم السمسار

حلمي : يا عم قوله ناس فقره  
الكفر كله بالقدره  
بيعيش على قد الستره  
ولو ثقاها خير وخيار

الغريب : قوم وروح لو حتى شمال  
ولو ما كنش جنوب فى الحال  
هوا الكريم فى أيده الأحوال  
يسكنك بلد المحبوب

حلمي : يقول حاجات سهله قريبه  
بلاش تكون عنى بعيده

الغريب : وتانى مره أسألهولك  
وأستحلفه أنه يبسط

حلمي : قول يا بيه حاول مره  
أبعد بعيد ويعيد عنى

الغريب : أقول وأنا ليه تسمعني  
يا جن أطلع كلمني  
بنحب نغير فى الطلبات

حلمي ليه في الهم يبات  
 حلمي : يجعل نهارك كله أنوار  
 والكنز يطلع بالقنطار  
 أكلك فشه وممبار  
 وأخلى كل الناس تقاسمني  
 الغريب : قرب هنا .. قرب، اسمع  
 حلمي : سامع حاجات كده طناتير بيقول آيه ؟  
 الغريب : قال رضاك على ايدي مقسوم  
 ولو حيدي .. بالمعلوم  
 حلمي : قوله عايز آيه نجيبه  
 في التو حالا مواعيده  
 ولو يحب معاه نزیده  
 الغريب : توهيله زير قال كبير  
 شایل الذهب فيه قناطير  
 تصبح معاه غني وأمير  
 حلمي : من فين يا بيه بس نجيب  
 سعر الجرام في بلدنا بكام  
 والناس يا عيني عليها حرام  
 بتعيش في كفر و كله فقير  
 الغريب : هو اللي قايل كده و خلاص  
 وانا كلي لك حب و اخلاص  
 وأكون أليك دايما خدام  
 أن جبتهم أبعثلى قوام

حلمي

: أستنى مستعجل ليه

نتفق بس على كام

أيه اللي أقدر أجبهوله

جبت الذهب صره .. بصره

فى الحضرة كله راح مردوم

عزيم وقاللى قول وأنا أقول

وقال وقلت بعزيم وراه

وقال وقلت بعزيم وراه

وقال وقلت بعزيم وراه

يجعل نصيب الكنز قد الذهب ميت مره

قولتها ميات

يجعل نصيب الكنز قد الذهب قول ألف

قولتها ألوفات

يجعل نصيب الكنز قد الذهب مليون

حلمى

: قولتها ملايين

للأستاذ

قال عشان يزيد

نرحل على البندر

رحنا على البندر

زرنا الأوليه وطفنا

وقدت ياما شموع

قدام محل الذهب

يرجع لنا الموضوع

أدعي وأقول يارب

قوئتها ميات ، ألوفات ملايين

أرفع أيديا لفوق

أرفع أيديا لفوق ( الأستاذ وبنات الشعريديرون  
على المسرح يرفعون أيديهم ويدعون في صمت ثم  
يرتفع الصوت بالتدريج )

الأستاذ : يجعل نصيب الذهب في الكنز كام مليون  
وينبات [ تتكرر ]

الشعر : يجعل نصيب الذهب في الكنز كام مليون  
[ تتكرر ]

وأحلم بأني كبير في قصر مالمو مثيل  
( الأستاذ وبنات الشعريعودان إلى أماكنهم  
وحلمي يكمل )

حلمي : وألف بيه وأدور أدعي وأقول يارب

ذدني بالقناطر

قدام محل الذهب

فص ملح وداب

بصيت هنا وهناك

بصيت هنا وهنا

بكيت كتير من الخوف

أيام ثلاثة انقضت

ضايح من التدوير

راح الدليل وأختفى

تايه وسرى فيه

خفت الذهب في الغيظ



تبقى الفضيحة أثنين  
لو أن حد يلاقيه  
ياخده يروح مني  
عدت الطريق للغيظ  
في خطوتين كالبرق  
فجت ثاني فجت  
ياربي راح على فين  
راح الذهب على فين  
راح الذهب مني  
وتهدت وسط الغيظ  
يارب أعمل إيه  
تاه الدليل واختفى  
وجأ بالمشوار  
أرمي همومي عليك  
عمر ك همومي عليك  
( ينصرفان كالشبح وتعود الأضواء متقلبه تعبر  
عن زحام الحياه )  
بنات الشعر : زحمه والناس سكارى  
الأستاذ : زحمه والناس سكارى  
بنات الشعر : من حاره ندخل فى حاره  
الأستاذ : من حاره ندخل فى حاره  
بنات الشعر : دنيا فتحت بيبانها  
الأستاذ : دنيا فتحت بيبانها

بنات الشعر : ناسها صبحت غيلانها  
الأستاذ : ناسها صبحت غيلانها  
بنات الشعر : تهدم وتاكل أمانها  
الأستاذ : تهدم وتاكل أمانها  
بنات الشعر : تسرق وتقول شطاره  
الأستاذ : تسرق وتقول شطاره ( كل منهم يعود إلى مكانه  
والأستاذ على المكتب والأضواء ثابتة تدخل  
مجموعة من أهالي القرية )  
الأهالي : رابع غريق في شهر طالع من الترع  
رابع غريق في شهر وأهل البلد سامعه  
لا حد يسأل سؤاله ولا جاب على الدمعه  
ضاعت شباب البلد واحنا أيه اللي بيجر النا  
واحد يقول النيل ساكنه جنيه  
واحد يقول الأرض ما عدش جنيه  
الحقيقه ليه في وسطنا ضايعه  
رابع غريق في شهر طالع من الترع  
بنات الشعر : قمر الزمان أنطى عشته بلا فوانيس  
هم الزمان في الخفى حاكم تموتو فطيس  
أصل الزمان لعبته تطلع معاه يا خسيس  
وتبقى في المرحبه وابن البلد دي تعيس  
( يتحرك الأستاذ إلى مقدمة المسرح مقلداً  
الأراجوز )  
الأستاذ : قرب جرب خد لك منظر

يللى يتتعب يللى يتسهر  
يللى يتشقى ليه تتحير  
أسرق .. أهبر .. أهبر ..  
راح تتغير .. ولا تتحير  
كون متعلم ولا تتخوف  
عمر الفاعل هنا مجهول  
قرب جرب خدلك منظر  
قالوا البيضة من الكتكوت  
قلت أن عدى البيضة يموت  
قطع السكه كل هلموت  
تطلع تنزل كله مبعتر  
قرب جرب خدلك منظر  
.....

لو فيه سبت مالوش خميس  
بكره الجاي له ابن خسيس  
تصبح ميه فى بحر مويس  
دور شغلك خد تریاس  
أترس غلهرک فيه واتعلم  
أقتل ، أكذب ، أنصب ، أدهس  
تبقى الفاعل والمجهول  
قرب جرب خدلك منظر  
( دقات سريعه على الباب يدخل شخص فى هروله )  
العمده خد ضربته  
مجاش عليه غروب

وعيني على جثته نايمه بدون التوب  
 مات يا عيني عليه  
 من طلقه غداره  
 يد العداوه عليه قاسيه وقداره

الجميع : العمدة مات .. العمدة مات  
 لكل واحد يوم والعمر له مكتوب  
 ما تقولش مين السبب ومين اللي كان معيوب  
 مدد .. مدد  
 قلنا المدد  
 وانت آلمدد  
 كذب السنين بنفوته  
 والموت حنزم قوته  
 ضرب القدم على سكته  
 جاب التاريخ لقصته  
 شيل معانا الحمل شيل  
 الزمان من بعد ويل  
 جاب الدليل وانت الدليل  
 يوم الوعيد وانت التشيد  
 نصبر ونطلع للحياه

الأستاذ : قوموا انهضوا وهموا  
 ضى النهار موعود

الجميع : راح نحضنه نلموا  
 الأستاذ : ديروا الوشوش للشمس

الجميع	: وياك وبيك درنا
الأستاذ	: يحلى الكلام مش همس
الجميع	: نحلم معاك قلنا
الأستاذ	: الحلم يبقى أدان
الجميع	: الأيد تشد الأيد
الأستاذ	: يبقى الأمل فدان
الجميع	: احنا وراك على طول
	مهما الزمان حيطول
	انت هنا المسؤول
	وكاننا فى ميعاد
	( تدخل مجموعة من أهالى القرية تطالبه
	ليكون عمدة الكفر ومعهم خطاب وعرائظ من
	أهل القرية بالتأييد )
	أهل البلد طالبين أنك تكون عمده
	وكلهم جايين يترجوا فيك بكر
الأستاذ	: أيه رأيكم يا خلق
الجميع	: بالحب أقبلا أنت وهيا اثنين
	ان كنت من غيرها يبقى أنظلم حالها
	وهيا من غيرك ضايعة برأسمالها
واحد	: أرجوك يا سيد الناس تقبل تكون عمده
	فى الأصل هيه ميراث عمده وأبوك عمده
واحد	: يا ابن الكرم والجود أنت لها الموعود
	الكل فى صفك يتمنوا من أصلك بالحب تقبلها

- الأستاذ : ميين مايدني .. وميين معارضني  
الجميع : الكل في صفك تقبلها بالشفعة  
شيل معايا شيل  
نمحي ظلام الليل  
( هتاف )  
الجميع : أيدنا في أيدك يحيا العمده  
ولا فيش غيره يحيا العمده  
عمده علينا واحنا نصيره ولا فيش غيره ( تكرر )  
( يدخل حلمي أبو ماضي )  
حلمي : جاي من الأبواب زي ما بتحب  
وياك بطول الخط  
لا فيه نفاق ولا كذب  
أيدك على أيدي خدمتي حبيب حبيب  
ندراً عليا يكون عمرك ضيا عيني  
الأستاذ : يا هل ترى موفور الطلب عندي  
حلمي : للكفر نزل سوا ونقول لكل الناس العمده هو أنا  
محتاج نخوض معركة لأجل العمودية  
عمده يا أهل البلد عمده مكاني هنا  
بالقوة بالجنيهاات  
كل الكلام والقول ملك الجنيه في الجيب  
هو اللي يتكلم  
أتخن تخين فيكوا لو شافوا حيسلم  
الأستاذ : أنت تكون عمده

الجميع	في أيديكم مصالحتنا
الجميع	العمده ده الأستاذ خيرنا وأخترناه
الأستاذ	أطلع بعيد يا خسيس اللعبة مكشوفه
	مهما يكون الثمن الزمه معروفه
حلمي	خسران سنيني معاك بكرة تشهدلى
	أقول لك كلكم
	أنا معاكوا هنا وأكسبها ر العالى
	ولا حاجه ليكوا هنا
	أو تكسبوا قرشين وأصبح أنا عمده
	أنت عايز كام
	أنت عايز كام
	أنت عايز كام
	وأنت وأنت وأنت وأنت
	عشره ميه ألف ألفين
	عندي الفلوس بالكوم
	ويشروط أكون عمده
	انتم كده عارفين من بكرة أكون أنا أيه
	خلاص كده راضيين وف صفى لو باطل
الجميع	عمده وجد أصيل يبقى الكلام معقول
	شيل معايا شيل
	أبوه زمان كان بيه
	والدنيا ملك أيديه
	( يحملونه على الأعناق ويتركون الأستاذ )

( هتاف )

يحيا يحيا العمده

ولا فيش غيره

واحنا نصيره

عمده علينا

جوه عنينا

يحيا يحيا العمده ( تكرر )

حلمي : أياه رأيكم يا خلق في الثعلب المكار

مش قد فعل اللعب .. بكره يا أستاذ

من هنا على السجن .. تهمة شباب الكفر

أنت اللي قاتلهم

ومخاوي جنيه

وهناك بعيد أهم

أمسك يا واد أمسك

أضرب يا واد أضرب

حلق يا واد حلق

( تختفي بنات الشعر من على المسرح والأهالي

يقذفونه بالحجارة مع استدال الستار ) .



## الفصل الثاني

المكان : فيما يشبه الفصل الأول المكان - لكنه في أحلى زينه فهو مقر  
العمدة الجديد وعند فتح الستار يشاهد على الحائط شهادة دكتوراه  
ولا يوجد أحد على المسرح وبعد وقت قليل يدخل أهل القرية معبرين  
عن فرحتهم بالطبل والزغاريد .  
مجموعة من النسوة على رؤسهن بعض السلال ومجموعة من الأطفال  
بالملايس الجديدة والألعاب التي تعبر عن الفرحة بالعمودية وكأنها  
فرحة العيد يدورون على المسرح يغنون .

فتيات

القرية

: قالوا العمدة هل هلاله

قلت ماشاء الله قلبي دعائه

نفرح بيه وسعدنا جاله

بكره يغير حالنا وحاله

عمدة كفر تسالي أمير

أصله العالي وحيه كبير

علشان يدي حيدي كثير

للمحتاج والكل من جاله

عمده حلاله عليه العمودية

واحنا معاه على ديه وديه

كل حياتنا معاه الوردية

تبقى هنيا لنا وتهنائه

رب البركة الخير موفور

أهل بلدنا عليها الدور

تدي العزم بقلب صبور

تلقي صباحها الشمس قبالة

يلي عليك خدت العمودية

حلمنا طالع ارضه عفيه  
بتقدم ملك احدى تحيه  
جايه بكل اهالي تسالي  
[ يدخل الخفير بيده عصا خيزران ويحاول  
اسكات الجميع ]

الخفير

بس هس .. بس هس  
الاياقه والضياقه  
حد يعمل فيها خطيئه  
بس هس .. بس هس  
الاياقه العمده جي  
مر السرايا يشع ضي  
خطوته مزيك سيك  
نظرتيه بتقول يا ويكا  
كلمته في الودن همس  
بس هس .. بس هس  
انتي تمشي .. وانتي تمشي  
وانتي يلي داخله رمشي  
لما شفتك قلبي عشقتك  
واتفتحك زي دش  
بس هس .. بس هس  
افهموا العموديه ايه  
حاجه عاليه بالف بيه  
يعني حد بيص عليه  
يلقي عينه نص نص

بس هس .. بس هس  
 حد مثلا يعني مثلا  
 كان له عمده من قرايبه  
 من جيرانه من جدوده  
 له في جايزه قول جتبه  
 بس هس .. بس هس  
 اللى كان جدده اجير  
 والى ل مش لاقى الحصيل  
 واللى قاعد مستجير  
 من الناموس والف برص  
 بس هس .. بس هس  
 احدى منى بشى كتير  
 لبسوه الجوخ والحريير  
 اكلوه اكل الوزير  
 بس انا كان اكلى خس  
 بس هس .. بس هس  
 واحد : هو يعني كان فقير  
 عمره عنده اموال كتير  
 اما كان لامه السرير  
 فرشتين وعيون تبص  
 الخمين : بس هس .. بس هس  
 اما انتو ناس رعا  
 الكلام رفع الصباغ

كل واحد فيكوا باع  
والفهيير ميقاس يحس  
بس هس .. بس هس  
واحد : النهار قرب يفوت  
واحنا قاعدين فى السكوت  
والأراضى راح تموت  
م العطش والزرع خس  
بس هس .. بس هس  
الخضير : افهموا معني المقابله  
ناس متضهمش المعادله  
الحياة معدتشى عادله  
مع رعا ع يتنام فى خص  
بس هس .. بس هس  
كلكم صفين طوال  
تتحنوا زي الخيال  
فكركم مش فى اللى قال  
مريوطين زي الفرس  
بس هس .. بس هس  
تتحنوا زي العبيد  
كل واحد يبوس ف ايد  
لو يقول يقول يا سيد  
واللى ف الفكر اندرس  
بس هس .. بس هس

( يسمع صوت طبل وزغاريد )

الخضير : صفين تمام للأمام  
الجميع انحنى  
المس الأرض بايديك  
( يدخل العمده ومعه الأطفال يدورون ويفغني  
بالطبل والزغاريد )

العمده : أنا ايه .. أنا ايه .. أنا ايه  
الجميع : عمده يا بيه .. عمده يا بيه .. عمده يا بيه  
العمده : عمده عليكو بالف جتية  
الجميع : عمده يا بيه .. عمده يا بيه .. عمده يا بيه  
العمده : عمده عليكو وفيه حراس  
أي كلام مش شرط أساس  
حيوديكو لقطع الراس  
والمحصول ناخده ونجتية  
أنا ايه .. أنا ايه .. أنا ايه

الجميع : عمده يا بيه .. عمده يا بيه .. عمده يا بيه  
العمده : عمده عليكوا بالف جتية  
الجميع : عمده يا بيه .. عمده يا بيه .. عمده يا بيه  
العمده : عمده عليكوا بالف جتية  
هي كده أصول العموديه  
أهل بلدنا يعيشوا هفيه  
تضرب تقلب أي رزيه  
دوغري نصب غضبتنا عليه

عائز تكونوا ناس طرايطر  
اسرق انهب سري ف بير  
ويمشيكمر أمر خفير  
قولوا ان قلنا وصدقوا بيه  
( بانتهاج المتنولوج العمده ينادي )  
انت فين ياد يا خفير  
كل واحد في مكانه  
كل حي وله زمانه  
روح هات عبد الفضيل  
نايب العمدة الأصليل  
اللى يعني هو أني  
: الخفير رحا قاللى مهما كان ..  
في الكفر عمده  
في النهايه العمده أني  
وقال يا عمده .. ويا ما قال  
خفت منه ارد عليه  
: العمده قول كما واقلك ايه  
: الخفير قال عشان انك بتبصر  
: العمده لالا .. الكلام ده كان زمان  
النهاده خلاص بقيت  
دكتور كبير  
: واحد يا حلاوه الكفر فيه دكتور كبير  
: واحد الوجه في المعده جوه

آخر	: آه يا امر ولادي يا آني
آخر	: الجوزه عامله عندي لهفه
	شغلي وصفه الكحه صعبه
آخر	: العنين راحت يا عمدہ
	لو تشوفلى مستين ششم ليهم
العمده	: جاك يا كفر ميت نصيبه
	دكتور ببوجيه
واحد	: حد يقوللى يعني ايه
العمده	: يعني دكتور وخلص
	والشهاده مبروزه برواز نحاس
	ع الحيطه واقفه معطره فوق الاثاث
	والكلام ده كان زمان
الخفير	: قال كمان جاهل غبى
العمده	: قول له بكره نغيره
	وتبقى نايب والخفير
	هنشيله شيل ونبدله
	وانت انت يا خفير تبقى الجميع
	( الخفير يسرح )
الخفير	: ابقى نايب والخفير
	ازاي كده ؟ وتكون هنا ( مشاورا إلى راسه )
	لو ناديت يا اد يا خفير
	اكون انا نفسى هي ترد تقول
	نفسى أنا ..

العمده : يا اد يا خضير ..  
 سرحت في ايه  
 رحت فين وجيت منين  
 الخفير : في جناب العمده بيه  
 يا حلمي بيه  
 واحد : لازم يا عمده ننصرف ..مبروك عليك  
 العمده : لسه بدري اترزي  
 جتكوا القرف  
 واحد : تسمعلى يا عمده اقول  
 العمده : ليه تخبي قول يا اخويا  
 الواحد : تؤمر لنا بهدمتين لجل الشتاء  
 والسنة محصول كثير نوره  
 العمده : كله عندي بينكتب  
 المدارس والعيال  
 والهدوم ويا الجزر  
 واحد : الشتاء بيخرميه  
 والمكان بينز علينا  
 عرشه فوقه وتحتة قش  
 لو يكون فيه فلق نخل  
 بس يا ريت قطع الاوان  
 وسدتين لاجل المكان  
 كان يا ريت



- واحد : يا عمده ايه المسأله ..  
متقول عايزنا بس ليه
- العمده : المسأله .. ؟!!  
آه المسأله  
حيه نظام .. يعني تعديل فى القانون  
والمهم وبالعجل
- واحد : عندنا قوانين كتير  
ما يطلعوش الضيق شوال  
ولسه تاني هتبتدي  
يعني التقديم قانون عيال
- العمده : الزعل للمنحرف رد السجود  
انت بيه راح تتنصف  
أما السليم يزعل .. جنون
- واحد : قول يا عمده قول  
أول قانون عن السكه  
والثاني راجع للفتة  
وغيره يبقى للعتة
- واحد : السكه آه وانما العتة مالها بشغلنا  
العتة مش هيه العتيته
- العمده : لابد لها من قانون يحيم الخلف
- واحد : يا عمده شغل الغيط كتير  
اسمح لنا نمشى بقى  
موضوعنا ايه .. وعايزنا ليه

العمده	طبعاً عرفتموا ان البلد .. محتاجه ربط وزبط ايه .. غير القانون ما نتظبط
واحد	تظبطها ليه .. تريطها بايه ما كلها عمياني باينه وايه اللي مافهش غلط محصولنا بيعجي في كل عام وانت تدينا بايديك ولو يكون فايفس حطب واحنا من بعد الشقى الكسوه حتى ما نلتقى لا ليها طول او عرض نول وبيوتنا صبحت معيره
واحد	يا خلق ليه الشوشرة عيب كده خلونا نمشي من هنا اشغال كتيره عندنا
واحد	اشغال .. قال يعني شغله كتير قوى الواد بيخاف على زرعته طول عمرنا على زرعنا نخاف وناخد الفلوس والدين بياخده بتوته يا امه بيه راح نتحبس

واحد	: الخبيبه لو لك عنده حق يروح فطيس غير التعب والمشوره ولا عمره قلبه مره رقى .. غير الكلام والنقوره
العمده	: فيه كلام ينقال وتاني
واحد	: انتهى القول والسلام
العمده	: أول قانون لاجل البلد هو القانون المبتدى
الجميع	: احنا معاك .. معاك .. معاك للموت وبعد الموت ( تصفيق .. تكرر )
العمده	: اخواناي .. اخواناي أن القانون قانون وان مصلحتكم فيه بكره ييجي الحق بيه
الجميع	: العمده .. العمده .. يحيا العمده
العمده	: أنا بالقانون حبيت .. ارعي مصالحكم
واحد	: الله يا سيدي الله .. قول معاي قول .. كفر تسالي العمده الجد جد الجد .. العمده الجد ( تكرر )

العمده	: أول القوانين .. قانون
	يختص حمير البلد
	من كان في بيته حمار
	يطلعه يبيعه
	ولا يبقى فيه في البلد
	من جنس أي حمار
واحد	: ومنين تعيش البلد
	وراس مالنا حمار
	سعات كثير ينضرب
	من جزمة السمسار
	ويرضه يرجع لها
	اصل احنا بنا اسرار
	فوت يا عمدة كثير
	الجد آخره هزار
العمده	: قانوني لو يتقال
	لايد له تعظيم
	وينشده متقال
	ويبقى في التعليم
	والناجح الى فيه
	تمام كده نجحوه
	قاضى يقول ويعيد
	تقدر معاه تزيد
واحد	: نفهم يا عمده كثير ..

يا سكره يا أمير  
وكلنا سامعين  
معاك صغير وكبير

العمده : أنت تقول لازم ..  
يكون حدانا حمار ..  
ما دمت ناس في البلد

.....  
.....

لكن عليه أنا  
لو شقت يوم احمار  
ماشى مع الأنصار  
يبقى عيبه كتير  
كل الحمير بكره  
تطلع عشان البيع

واحد : ازاي يكون العمل  
اشيل أنا المذبله  
واروح بداله القيط  
وهيه دي مشكله  
حمار بيعيش وعبيط

العمده : لوفى القانون قلنا  
ان القانون قال ايه  
قولوا القانون قال ايه ؟  
واحد : لو جانا يوم هيه سفر

تركب على البندر  
فكرك نروح على ايه ؟

العمده : تركب الاتوبيس

واحد : لو متنا مش مشكله

المشكله نوصل

مشوارنا يبقى فاشوش

بعد الميعاد سنتين

من كتر ما يعطل واشغالنا تتعطل

العمده : فيه حل يبقى أكيد يعجب الملايين

واحد : قول وسمعنا

العمده : من يركب الاتوبيس

ياخد السلب وياه

وف مره لو يعطل

تريطوه تشدوه

كل الكلام ده الناس

من بكره تعرف بيه

وأخر المبتدي

من قانون فات بيه

الجميع : يحيا .. يحيا العمده

يحيا قانون ٢ .. ( تكرر )

العمده : ثاني القوانين

أهم ما فيهم

( يقف ويدق المكتب )

الكل صحي النوم  
يسمع كلامي ايه  
ياكد اللي تقال  
ممنوع دخول الكفر  
غازيه والا يجيب  
في العمر سيرتها  
وأخر القوانين  
أكيد مهم أكيد  
لايد حفظه تمام  
مفعوله قبل الآن  
في عارض طول البند  
سارى عليه المفعول  
وان حد خالفه اكيد  
منه يروح في حديد  
السجن ست شهور  
وغرامه ألف جنيهه  
واللى هنا موجود  
يخير اللي بعيد  
(ينصرف الجالسون واحد بعد الآخر والخفير  
يستغرق في النوم)  
العمده : ( وحده )كل من له حق مسيره يرجع له  
الخفير : ( يستيقظ ) آه .. يا عمده بيه  
الله .. حلم حلو جميل

العمده : خير بتعلم في ايه  
الخطير : انتي قال مبسوط  
مهيتي زادت  
ومقامي اصبح فوق  
العمده : كل صغير وكبير  
تعرف لى ايه سره  
زاد الكلام أو عاد  
عينك تنام صاحيه  
تعرف لى ايه جوه  
فى البيوت جوه  
حتاخذ مكافأة كتير وزيادة ومرتب  
الخطير : الناس يا عمده بيوتها خراب  
ما عايش لاقية حتى القوت  
واجب تخفف من المعاناة  
الفقر خللى الناس حتموت  
العمده : عندي أخبار بتقول  
إن البلد عايشه ف فوضى  
لو لقيوا مره طيختر فول  
بكركه تقلب لمانورة  
ويطلبوا منا المساواة  
( يسمع صوت الأستاذ من الخارج )  
الأستاذ : انتى اللى نايمه يا أمه  
ولا إحنا مش داريين



انتي اللى مش فينا  
ولا احنا مش صاحيين  
رفعت سيفك على رقبتى  
وده يبقى بأمر مين  
أمر اللى خان الصباح  
ولا أمر الكدابيين  
كان جاي نور الأمس  
والعدو رده  
قفل فى وشه البيبان  
شرده وهده  
كان جاي ملو الصباح  
والعدو حاشه  
علم على سكته  
ضلمه بشاشه

العمده : يا خفير - يا خفير  
مين اللى بيزعق بره  
وصوته فى الكفر ينوح  
الخفير : هن .. هن ( يضحك )  
مجنوب الكفر يا عمده  
العمده : من امتي فيه مجاذيب فى الكفر  
الخفير : الواد اللى كان اسمه الأستاذ  
من يوم ما راح السجن يابيه  
وهوه مخه ترللى

- العمده : سبحان الله .. الاستاذ اسمه المجذوب
- ( الخفير يخرج على طرق على الباب و العمده وحده )
- اتعلموها .. وافهموها
- تعرفوها رحلت تانيه
- اكتبوها في السطور
- تلقوا شئ فيه الافاده
- الحياة مش بس كتابه
- يـدخـل : تمام يا عمده
- الخفير : اتنين من البندر جايين
- باين انهم جهه حكوميه
- طالبين جنابك تقابلهم
- ( العمده ينظر في اركان المكان ويتمهل ويفتح ادراج المكتب ويخرج اوراقا يخفيها .. يدخل الرجلان بالملابس الافرنكيه احدهما عمره خمسون والآخر يناهز الثلاثون )
- واحد : السلام يا عمده
- العمده : سلام ورحمة الله
- ( وهو على المكتب ) اهلا وسهلا بالأجاويد
- واحد : جايين وجاييين ويانا
- طلب بانك تساعدنا
- العمده : اياك تكون عايز لله
- واحد : مساعده ميري .. مش انت العمده ؟

العمده	: شايضني ايه .. مش برضه العمده
واحد	: يا عمده انت العموديه وعمده كبير
الآخر	: قاصدين جنابك لمساعده تخرج معانا تورينا يكون مكان الموقع هين آدي علامته على الخريطه
العمده	: خريطه ايه وعلامته ايه
واحد	: يا عمده .. يا عمده احنا من الهيئه يعني من اهل الآثارات جايين عشان ف زمامك كنز عايزين تدلنا على الموقع وتقول لنا فين هوه يكون
العمده	: أهلا وسهلا بالأجاويد عرفتوا والله طريقى تمام كنت قاعد مستني ما عمرى مره خاب ظني
واحد	: آدي الخريطه يا عمده عليها تأشيرة ويرسم الموقع وآدي جواب الهيئه كمان
العمده	: مدد أم خريطه عليها مكان يبقى العوض يرجع لينا قلبي كان حاسس فى زمان أن الزمان هيعود بينا

هات الخريطة ابص فيها  
يا عمده اقرا فيه تكليف  
يعني انت متكلف بينا  
حسب الخريطة والتوصيف

العمده

أكبر هديّة ومساعده  
مجتشى يوم على فكر وبال  
لادفنتكوا فى أوسع نقره  
واشطبكوا من دفتر الاحوال  
هو انتوا من ثاني جاينين  
فاكرني مريوط فى وسيله  
حبه نور جاينين فاهمين  
ينصبوا ثاني عليه

فاكرني واد ابن عبيطه  
ولا يعرفوش اني ابن غازيه

واحد : أوراق يا عمده بين ايديك

سليمه ميه على ميه

والختم باين بص فيها

والدوله آهى والهيئته

العمده : أهم شئ ختم الدوله

كله تحت الختم يبوش

الى ينصب أو ينهب

اخرتها يطلع منها فشوش

فوق قفاه اديله ختمه

كله لاجل عنيه يمشى  
الختم وكله وراه يبصر  
يفتنوا ويعلوا لثوق  
والختم واقف فى محله  
( واحد سرق محفظه ملقاش عليها ختم الدولة  
رجعها لصاحبها تاني )  
( واحد سجل ١٥٠ متر بعد ما خلص التسجيل  
لقاهم ١٥٠ سر من كتر الاختام اضطر يبيعهم  
لتسديد ديون التسجيل ومين اللى عالم )  
احنا افضل ناس فى العالم  
متمسكين بالرسميات  
أما بقى البيه وزميله  
نهاركوا زي قرن الخروب  
راح يعملوا بكره علىكوا  
ويحرروا نشرة ومكتوب  
واحد : لو تبليخ متساوي  
وشرفى من ريع خفير  
العمده : شرفك .. ( مقلد مشهد الدجال فى الفصل الأول )  
يا جن يا متفلوط يا ابن الارناؤوط  
هنا المكان والا  
والا يا حرامي يا ابن الحراميه  
يا خفير .. يا خفير  
( الخفير يدخل مسرعاً )  
الخفير : يا عمده يا عمده

العمده : هات الكرياج يا وله  
الخفير : استني اعمل معروف  
استني .. استني فيه كده ( يرقص )  
احيه .. احيه  
أنا رحت في ست شهور  
احيه .. احيه ومعاهم الف جنيه  
العمده : انت خفير ميرى والا  
الخفير : اهو اهو كنت هاقولها  
الحقني .. ع الباب  
يخراي .. ع الباب  
العمده : مين ع الباب يا نصيبه  
الخفير : ع الباب .. ع الباب ( تكرر ويرقص )  
كده كده .. آه يا أني ( تكرر )  
العمده : ايه يا خفير .. ايه يا خفير  
فيه ايه  
متقوللي خايف ليه  
فيه عربيّة المركز .. البيه المأمور  
العمده : كده .. كده .. كده  
( يحزم العمده ويرقص ويامر موظفي الآثار معه )  
فيه حد كده .. فيه حد كده  
يا عمده ايه كده اعمل ويايا كده  
اتحزم ويايا واديله  
آه اديله

اديله .. اديله  
 من خيتى اديله  
 ويقولك اديله  
 على راحتته .. على قرنه  
 فيه زيڪ  
 العمده : بس يا وله هو احنا ف مرقص  
 يا خرابى وسطي انحل  
 الخفير : وده كله ولا تفهم  
 العمده : فيه ايه يا خفير  
 الخفير : من تاني القوانين  
 نسيتموا احفظله تاني  
 الخفير : يا عمده لا ع الباب  
 العمده : الواد يا حول الله  
 مخه فيه استاذ  
 يكون بتكتب شعر ؟  
 انطق جاك فى نفوذك  
 الخفير : اقول من الأول تاني  
 العمده : لا وسطي انحل  
 ( ينظر اتجاه موظف الآثار )  
 العمده : قول خلصني .. طلع الناس دي بره  
 بره .. بره .. ومستني  
 وراكوا ومهما الزمن يطول  
 الحق هاقدر اوصله

واحد من : وحقنا مش هتسيبه  
الآثار جايين وهانشوفك ثاني  
( ينصرفان الخفير ياخذ العمده في جانب يهمس  
في اذنه بصوت خافت )  
العمده : لا .. لا .. لا مش ممكن  
حاول تبص وتناكد  
تبق نصيبه  
عمري كله يروح في بلاش  
لا لا لا .. لا لا لا .. لا لا لا  
( تدخل غازيه )  
الغازيه : ايه .. ايه  
ليه لاطعني كده ع الباب  
متجيش بسرعه تقابلني  
عمده قال ف ايام هباب  
وغيره كان بيعظمني  
العمده : غازيه ..؟؟ غازيه ، في احلى سني  
خيبيتي خيبيتي ع الأيام  
وسنين طوال احلم فيهم  
ولما حلمي بقي قدام  
طارح ليالي بامانيهم  
الماضي ثاني لحدي بيان  
الغازيه : مالك كده مشقلب حالك  
نايبه تاخدك يا اسمك ايه



عمده آه مش متنور  
تبكى وتندب قول على ايه  
دوب اقولك يا عميده  
دوب كده على قد الحال  
العمده كان في الكثر زمان  
سيما وله قيمه ايافه  
انسان وكان قلبه رهيف

العمده : كل ده كان ليه فين  
بعد مر كفاح سنين  
تقب تطلعي غازيه  
يا ادي المرار والمر معاه

الغازيه : العمده عيني مخه طار  
ممكّن اشوفك هنا دكتور  
والا اعملك دقت زار  
او يا خويا تكونشي مراريا

العمده : عندي .. عندي وسطي .. يا اني وسطي  
الغازيه : فيه حزام وصاجات حاضرين  
مجهزاهم للزئقه  
( العمده يتلوى وهي تضرب بالصاجات )

الغازيه : يالله .. شغلانه تنفع وقت الضيق  
ان شد عليك الوقت ومال

العمده : غازيه تاني .. آه يا اني  
حزن وجلاب احزاني

الغازيه : يا الله .. شغلانه تنضع وقت الضيق  
ان شد عليك الوقت ومال  
العمده : غازيه تاني .. آه يا اني  
حزن وجلاب احزاني  
الغازيه : الكل يتمني وجودي  
ويحب يتقرب مني  
لو كارت مختوم بالعالى  
تجيني هنا وتبوس ايدي  
او تكون ف كناسه السوق  
العمده : الماضي مدفون في زمانه  
من تاني بيحي هنا لحدي  
غازيه تاني تطلع لي  
( يتخيل أولاد الكضر وهم ورائه ويقولون )  
أولاد : يا عمده يابن الغازيه  
الكضر : قاعدين لك هنا للصباحية [ تكرر ]  
العمده : فضيحة صبحت منشوره  
في الكضر تاني يرددوها  
سامعه العيال رجعت ليها  
الغازيه : انت اللى مخك طار برجه  
مش سامعه حتى ايها حاجه  
مخك انت فيه خرسو  
وجيب جنابك فلسو  
العمده انت جنابه حمار

العمده : اطلعي من هنا يا غازيه  
لاعلمك شرق العموديه  
واضربك بالمانتقلی

الغازيه : خوفتني يا د يا عميده  
فی الكفر ليه اكر منک  
اهل جوزي واهل ابني  
تضريني قال تضريني

العمده : اهل جوزك جوزك مين .. ؟  
الغازيه : جوزي المعلم ماضی  
العمده : قلتي ايه  
الغازيه : قلت المعلم ماضی

آه .. أسطي سمسار فی السوق  
وايه منه كمان حلمي  
يعن يابني حلمي أبو ماضی  
فهمت يا عمده أنا ايه  
يعني من هنا مش ماشيه  
مافيش قانون فی الدنيا دي  
يمنعني إني اشوف ابني

العمده : مستحيل .. مستحيل  
عشت ف عمری بأرمي  
أحلى شباب الكفر فی جوف النيل  
اشرب يا نيل ..  
اشبع يا نيل .. ابلع يا نيل ..

اسكري يا نيل ..  
عارفه يعني معناه ايه  
إن الزمان يرجع ثاني  
وترجعي ثاني زماني  
لا .. لا وألف لا  
دقيت وياما ع البيبان  
كنت اشحت لقمه لقمه  
هدمه هدمه  
كان يردوا الباب في وشي  
كنت أبص بقلبي من جوه عيوني في المواسم  
والعيال لا بسين جديد  
كنت أهلى وكنت ناسى  
وكنت جيلي كنت وحدي  
كنت قد الدنيا حزن ف جوف قلبي  
لسه طالع ع السلالم أنسى غلبي  
أطلعي م الكفر خالص  
بره بره ... بره خالص  
ايه اللي جابك يا غازية  
الغازية : جايه أشوف ابني الوحيد  
اللى فيه ف الحياة  
كفر جاهد عمره ما بيتسى الأسيه  
الزمان بيعيد معاه نفس الزمان  
كان زمانه قبل ما أمشي  
رقاصه في سوق التلات

ماضى شافني قلبى حبه

هوه كان سمسار بهاييم

والنصيب

عشت عام فى الكفر كامل

كل اهل الكفر قالوا جاب غازيه

كنت جيت ابني الوحيد سبتوهوله

قلت أبوه يعيش معاه

لأجل يكون فى الكفر عايش راسه فوق

سبت جوزي وابني حلمي

حلمي ماضى .. هو دورك

نفسى أشوقه وما نظلمش مرتين

مستحيل .. مستحيل تظلموني مرتين

وايه اللى جابك

العمده

لأجل بيان المستخبي

لأجل كل الدنيا ترجع بالسنين

فوق وشوش الناس أعبي الحب خيبه

يا ديدان الأرض أصحي

لأجل تاكلى كل جسمي

قبل ما تكلوا العقارب ولا حياة

عايزه حلمي ... ؟؟ !!

حلمي عمده وماضى مات

وانتى ماضى عمره ما يمكن يموت

هو ناقص .. كنت كامل

بعد طول العمر جايه

عائزه ابنتك .. ادي ابنتك  
وانتي اُمي .. من حسن حظي  
رأيتك ايه ؟ ؟  
شفتي اكثر من اللي فيه هم الزمان  
احضنيني زي نجمه  
تلتقيني نازل اهو للقرار  
يعني كان لازم تجيني  
تعودي تاني

الغازيه : لو اموت .. قلبي مطمئن عليك

كنت خايفه اني اشوفك

شر بره يكون بعيد

بيك خلاص

الزمن وفاني حق

بعد عمره ما كان عنيد

كنت عائزه تعيش سعيد

كان فيه نار جوه ف حشايا

كنت صابره

كنت اقول عمري فداك

ما يقولوش ابن الغازيه

العمده : ما يقولوش .. ياما قالوا

كان دواهم سكنوهم

جوه ميتة النيل قبورهم

لغز عايش في مداه

أنتي لازم تمشي حالا  
 حد يعرف أو يشوفك فيه إهانت  
 أمشي حالا .. قومي أمشي  
 ارحميني .. ارحميني  
 فين ما عشت باقى عمرك عيش فيه  
 : أيوه ماشيه .. قبل ما أمشي فيه أمانت  
 أردھاالك خد أمانتك  
 ( تعطيه الذهب المسروق من الفصل الأول )  
 : مستحيل .. الذهب .. إيه الحكايت  
 : مش ضرورى  
 : لأ ضرورى  
 : شئ قديم ومن زمان  
 : برضه أعرف  
 : كنت حامل لسه فيك  
 :  
 لما ناس جر بالخريطة م الآثار  
 حددوا نفس القيراط ملك ماضى  
 قالوا يومها لسه ناقص معلومات  
 بعد جمعه نعود ونحضر من جديد  
 والخريطة كان نسوها ويا ماضى  
 شلتها وسط الهدوم  
 لما أهل الكفر كان بيعايروا ماضى  
 قلت لأ .. لأجل يعيش وراسه فوق  
 رحت بيتنا وهيه كان وسط الهدوم

شافها أخويا .. يعني خالك  
عاش حياته إنسان طموح  
حب يكسب .. لو حلال أو حرام  
واللى باقى أنت عارفه

العمده : يعني فيه كتر بتحقيقى

الغازية : أيوه فيه ..

العمده : خالى هو اللى سرقني !

يا هتايا .. يرحمك يا عمر ماضى

انت أيه .. مش حرام

كان فيه تار بيني وبينك

مش كفاية الزمان

يوم ما تيجوا بالفضايح وامر اسم الله عليها ..

شئ كده له كعب عالى

والنسب زيه علالى

ارحميني .. ارحميني

بره .. بره خالص م البلد دي

ارحميني .. ارحميني

( يعطى ظهره فى اتجاه فتحة الشباك تظهر

بندقية تسرع الأمر .. وتحضنه من الخف فى

لحظة إطلاق الرصاص تصاب هي وتموت )

الغازية : احمد الله اللى فديتك فى النهاية بكل شئ

العمده : أمي .. أمي .. مستحيل .. مستحيل

( مع إسدال الستار )



### الفصل الثالث

المنظر : ترفع الستار عن نفس ديكور الفصل الثاني ونفس الاضاءة . المسرح خالي إلا من الديكور .. يدخل شخص من النافذة هو نفسه الذي صوب البندقية لقتل العمده .. يبحث في إدراج المكتب يعثر على الخريطة .. يأخذها هي لهفة ويقفز من النافذة .. يستمر المسرح خالياً حتى يدخل العمده بصحبة مجموعة من الدجالين بادواتهم الطبل والزمر واشياء أخرى.

العمده : نعمل الحضرة

ونحضر الجان

ونكشف المستور

المخبي يبان

الكنز في ارضي

والأرض دي ملكي

املك دهب قناطير

وبكره بيحي الدور

على ابقى وزير

رئيس : واحنا نصيبنا كام

الدجالين

العمده : اللي انتوا عايزينه

عندي الفلوس بالكم

أهم شئ الكنز

اعيش أنا وهوه

اتنين تالتنا ليه ؟

آدي المقاره فين الشطاره ؟

انتوا الشطاره

رئيس : فين البخور

الدجالين

العمده : من كل نوع موجود

الرئيس : زود عليه النار

زود ودق الزار

حط البخور بالكوم

يكشف لنا المستور

ياما كده يا يكون

نصبها اعاصير

ع الجن ابن الجان

والكنز برضوا يبان

( تبدأ الحضره بدقات الزار ويرد الجميع بصوت

غنائي واحد)

الجميع : جني يا جني يا عم يا جن

فيه ديور على عشك زن

اطلع بره .. هات الجره

ملاينه فلوس .. وعلينا تحن

افتح هات الكنز امال

خلينا نهيش منه المال

دا احنا غلابه اصحاب عيال

لا بنرتاح ولا يوم بنون

قلبك فضه وروحك نور

واحنا وراك بتلف ندور

نملا السما والأرض زهور  
نفرح ببيك يا صغير السن

الرئيس	: بس حد سامع فيه اشارة
الجميع	: فيه يا رئيس م المغارة
الرئيس	: ابعدوا .. ابعدوا يا جن يابن الجنيه انا اللي روحك في ايديه تيجي وتركع قدامي وتكون هنا من خدامي بالأمر حالا وتوفى الكنز انت عليه موجود ما دمت حارس انا موعود بالكنز وحدي ومن حقى ميل هنا ميل طاطي الصوت ضعيف خالص واطي اسمع وقلى سامع ايه
واحد	: صوت العيال وسط الحاره بيدقوا طبلت وزماره وضحك عالى عامل غاره وناس بتبكي ما اعرف ليه
الرئيس	: تعبنا طار كله فاشوش تضرب وتقلب طالع بوش

ابن الذي قال المهروش طمعان  
ومستني اديه ( الكل ينتابه لصوت الأستاذ من  
الخارج )

الأستاذ : مشيت في ضل السنين

حاسب حسابي اعيش

فكرت ان البيوت

محتاجه مني ونيس

الدنيا فاكرك سكونها

طول عمري شايل همومها

كمر مرة ضلت خطاها

اغزل بفكرى رسومها

العمده : الحل .. الحل موجود ولقيته

يا خفير .. يا خفير

بسرعه هات المجذوب

بسرعه من قبل ما يمشى

الخفير : يعني هو يروح على هين

يوماتي اهو تحت التوته

يلعب السيجه لنفسه (مناديا )

واد يا أستاذ .. واد يا أستاذ

العمده بيه البلد عايزك هنا بالأمر

تيجي وتمثل

( يدخل الأستاذ حافى القدمين ممزق الثياب )

العمده : ادخل .. هنا اتفضل

بالحب احنا اخوات

قلش بس الزمن

فرق ليالينا

الأستاذ : لا .. كل اللي بتنا خلاص

مفيش ولا حاجه

إيه اللي باقى فيه

تجني عليه ليه

ارضى ( لم يكمل )

العمده : ارضك هنا فى عيني

تؤمر هنا امرك

يخدني ويوديني

الأرض قوم خدها

محفوظه بحدودها

جايبك هنا اقولك

عمري بخاطره يهون

فى عشرة الأيام

ولا عمرها هانت

الأستاذ : اطلب وقول دغري

تلف ليه وتدور

العمده : انت هنا فى قلبي

والقلب مش هالين

تبعد بعيد عني

الأستاذ : وهنت ليه ع السجن

العمده	وقضيّة التزوير : تشك فيه ؟ حرام
	دا العمده بيحبك جايبك تكون شركت الابد تشد الايد
الاستاذ	: شركه .. شركت في ايه يكون شركت في العموديّة
العمده	: كنا في صغرنا نقعد ونتسامر ونقول حكاويننا يا ريت تعود ثاني نقعد هنا جاري تكون عمده .. تكون باشا تكون راضي على حلمي بتاع الكفر من صغره صديق العمر وحببيك
الاستاذ	: في آخر قصتك فايده تقولها ولا تحكيها
العمده	: ليا وليك . فايده بشرط تمد ليه ثاني ايديك وقسمتنا حلال في حلال
الاستاذ	: حلال في حلال حلال في حرام

انا باسمع وكملها  
العمده : ستين عمري  
باشوف المقر في حياتي  
وكنز ف ارضي مستني  
امد ايديا اتواعد  
واتصالح مع الدنيا  
وانا عمده يكون ملكي  
زمار الناحية واتملك  
جميع الأرض وما عليها  
الاستاذ : نفوق احسن ونتكلم  
وتطلب مني ايه دورى  
العمده : اجيب الخارطة وتاشر  
مكان الكنز وان يطلع  
يكون ليك فيه نصيب قدى  
الاستاذ : أنا راجل على قدي  
وانت العمده والدكتور  
أكيد تعرف كتير عني  
العمده : عشان الحق بنا يعيش  
أكون صادق  
شهاده جبتها تزوير  
وانا دافع يدوب قرشين .. تمشى الحال  
عشان الكثر ما يقوليش في يوم جاهل  
وانا عارف أنا في الدنيا

يخططها ويمشيها  
 شهادة علم لو باطل  
 ولو كانت في قرن التور  
 هيدي محاضره على العالم  
 الأستاذ : تسرق حق ومال الغير  
 ارسم بيت ف قلب النار  
 واقيدہ شموع  
 العمده : تحب يكون نصيبك كام  
 الأستاذ : نصيبى ايه .. ؟  
 نصيبى يكون فى قلب الناس  
 حروف تشع تصبح نور  
 ودي كتابه ولو قال  
 يقولوا الحق عن قولى  
 العمده : تاخذ مني العموديه وتديني الكنز  
 الأستاذ : مهما الجهل يخبي لسانه  
 فى وسط الطين  
 بيعكرفى جياص الأرض  
 العمده : تقول ما تقولش ..  
 تتواعد ما توعدهش ..  
 ع الكنز هتأشر  
 مكانته فين على الخارطة  
 وانت معايا مهما انكان  
 وجودك ليه فيه افاده



- وده حقى
- الاستاذ : نهايتاً عمر ما تقضى  
تشع الضى فى قلبك  
أنا مشى  
( محاولا الانصراف )
- العمده : زمان بايدي دخلت السجن  
ويارادني تروح الخانكه يا مجنون  
واديك عارف طريق السجن والخانكه  
وطريق الكنز .. ايه تختار ؟
- الاستاذ : ومين فى الكفر موش مجنون ..  
من مده ايدك جوه فى داره ؟  
وسرقت قوته وقوت اولاده  
أنا ما اعرفشى غير فى الشعر  
الشعر ويس
- العمده : تعرف له ع الخارطه مكان  
الاستاذ : هات الخارطه بس بشرط  
العمده : كل شروطك هنا مقبوله  
الاستاذ : ارسر فوق الخارطه ويس  
العمده : أنا ع الشرط موافق  
الاستاذ : هات الخارطه ..  
العمده : قوم ع المكتب  
( العمده والاستاذ يتجهان نحو المكتب والعمده  
يبحث عن الخارطه فلا يجدها )

كانت هنا من ساعه يا حلمي  
 راحت فين .. راحت فين .. راحت  
 الأستاذ : لو لقتوها يبقى هاتوها ( محاولا الانصراف )  
 العمده : لا .. هاتوا يا خفيّر  
 هو سرقها  
 فتش كل جيبوبه .. عمره حقود  
 ( الأستاذ يحاول الهروب يقيض عليه الخفيّر  
 ويحضره . العمده يأتي بالكرياج من على الحائط )  
 استاذ ومتعلم تسرق  
 وتسرق مين ؟! عمده .. عمده كثر تسالي  
 يومك اسود يهب اهباب فوق راسك  
 مده يا واد .. هات رجليه  
 ( يرفع يده بالكرياج )  
 الأستاذ : لو عملها يا حلمي يا نذل  
 العمده : تعمل ايه .. ؟ طلع احسن  
 هات الخارطة وعلم بايدك  
 فين الكنز ؟  
 الأستاذ : عمرى ما شفت خريطه كنز  
 ولا من واجبك مد ايديك على حاجه الدوله  
 العمده : الدوله .. ما لنا ومال الدوله  
 عايز تكون على مال الدوله  
 اكتر مني حريص  
 انت يا صايح اكتر مني العمده

الاستاذ : لو اموال الدولة سلمت من امثالك  
 هيه فى خير  
 العمده : اخرس قطع لسانك  
 احنا حياتنا ملك الدولة وملك الناس  
 احنا العمده!!  
 الاستاذ : تحمي الدولة يا جاهل بايه  
 العمده : جاهل وانت معقد  
 نبعث بره نجيب اسراب العلما يفكوا عقدك  
 عقده .. عقده  
 وايها عقده نحير دوله  
 فى هيئه امر العالم  
 الاستاذ : والله عرفت تقولها يا حلمي  
 العمده : عمرى عارفها  
 عارف أن حقوقنا لايد تعود بالقوة  
 عمر الحق ما بيچى هنا بالطوع  
 بد البد بلوي الرقبه  
 وكسر ذراع الفاصب  
 اقفل كل الأبواب يا خفير  
 ( الخفير يقوب بتفتيش جميع الحاضرين من  
 الدجالين إلى أن يصل إلى الاستاذ الذى يتمنع )  
 الاستاذ : فتش نفسك يا ابن ال ... ؟  
 العمده : آخر واحد يعرف شئ من عمر الماضى  
 وآخر يوم فى حياة الماضى

هوه آخر يوم فى حياتك  
 وقبل ما يشرب دمك ميت النيل  
 ليه حساب وياك  
 وقتى ماهوش فى ايديك زى زمان  
 آخر يوم فى حياتك لو حتخطي من الدوار  
 ( ينهض الاستاذ محاولاً الانصراف من جوار أحد  
 الدجالين الذين يدفعه إلى زميله وزميله يدفعه  
 إلى زميله وتستمر اللعبة وهو يحاول الخروج إلى أن  
 يثق الباب دقات قوية )  
 صوت من : افتح لنا الباب يا خفير  
 الخارج : ناس عايزين العمده  
 العمده : قبل ما تفتح بص اتأكد مين ع الباب  
 الخفير : اهل شباب الكفر بحاله ..يا دهوى !!  
 مضطرب : جايين ليه ..؟  
 العمده : لا تريس أوعي تسيب الباب مفتوح  
 صوت : لو حتخط ترائيس العالم على قوتنا لابد نفوت  
 العمده : قول مين بره ..؟ عايز ايه ..؟  
 الصوت : فات اللعب وجاي الجد يا عمده  
 افتح .. فيه حسابات بينا نسويها  
 افتح .. والا نزق الباب  
 العمده : امشى يا واد بلا لعب عبال  
 والا اخلى النيل يبلعكوا  
 تبقى حياتكوا الليلة عشا

صوت : مش حتعدي الليلة معاك  
العمده خليك واقف انت وهو وانا اوريك

أطلب قوه امن تاخذكوا  
وتوديكوا مكان بلا رجعه

صوت : أي مكان من غيرك ارحم  
أي جحيم من جنتك ارحم

صوت : أي حياة في الكفر بدونك  
ارحم .. ارحم .. ارحم

انت مخلي حياتنا عذاب .. وعشتنا اهباب  
فين ايامنا الضايعة

بين الكذب وبين النهب  
بين السرقة .. حتى وصلت لسرقة روح الناس  
حتى سرقت اقوات الناس

راحة الناس

عدت حياتنا رهينة للقمة عيش

عشنا حياتنا في بحر الخوف

امتى يا عمده تشوف الناس التايها

الضايعة في بحر همومها

امتى تشوفنا وتسمع منا

وتعرف عنا ازاى بنعيش

افتح بابها طل علينا

نص الناس يتموت م الهم

ونصه يموت من خوف اصحاب الدين

ناس القصر ونصب اتباعه  
لو ما فتحت انهد الباب  
يبقى دخولنا عليك من باب الحق  
لاجل نسوي حسابنا معاك

العمده : يبقى قابلنا في سجن أبو زعبل اسوي حسابك  
ناس بيعيشوا كلام في كلام وأي كلام  
احسن ما فيكوا يحب صوته  
والريح براح  
والخوف سكوته شائل جناحه عن الصباح  
لو حرف ساكن / حرك لسانه /  
اقطع هروعه / وجدور زمانه /  
تصحى الليالي / كبرياج غناوي /  
تصبح مواجهه / بين جلد لين /  
وقلب جاحد / قلب صابر سنين علامه /  
حمول ثقيله / حمول كتافى من شيل همومي /  
ناديت عليكوا / ولاحد جاني /  
صبرت سكه / طريق بدايت /  
وشلت منها آخر النهايت / وقلت بكره الناس  
هتعرف /  
لو بصوا مره ف وش مرايه / هيلاقوا صورتي /  
بفروع شجرتي / تنتهجي اسمي /  
طرحين وغايت / فى عمرى لسه ريحت الطراوة /  
تهف هفه / تاخذ نصيبها من الحكايت /

الاستاذ : البحر غادر .. وانت مكابر ..

والموج معابر .. يعبر سدودك ..  
يطوي المسافة .. بينه وبينك ..  
يسد دينه .. من دين وعودك ..  
أما اللى بره .. لو يبقوا جوه ..  
سيحانه يستر .. للقصة تكبر ..  
عايزه رياحه ..

العمده

: ايه اللى جابههم

الاستاذ

: طالبين حقوقهم

وحقك انت تقعد معاهم

العمده

: الكفر ملكي .. ملكي وميراثي ..

ولا حد فيهم له شبر واحد

الاستاذ

: ملك الخيانة ...؟؟

العمده

: والناس يتبعوا عن الخيانة

ايه اللى جابههم ؟

يفوروا بره

يمكن يلاقوا فيه عيشه احلى من عيشه مره

الاستاذ

: افتح عشانهم .. اسمع كلامهم ورد عليهم

العمده

: الباب ده لأ

وقت أن قفلته ما فتحشى تاني

وان حد مسه أو مس قفله

تبقى نهايته قيدي الحديد

صوت

: طب عدد معانا لحد عشرة

يااما تفتح .. يا اما تصبح حرفين فى نشره

العمده : عدوا انتوا .. كلام كثير وفعل لا  
وقت المواجهه .. كل حي فيكوا يقول فكيك  
وان ليله بيت بعيد عن امه  
يطول عذابه من ليل غيابه  
( ينتهي الجميع من العد يندفعون مره واحده  
يدخل المسرح عدد من الشباب يحيطون بالعمده  
يحتضن احدهم الاستاذ )

العمده : اضرب مليون يا خفير  
الخفير : فشك يا عمده  
( يصوب ماسورة البندقية فى اتجاه الأرض ويضع  
ذقنه عليها )

شباب : ايه اللى جابك ..  
للاستاذ : وجاى ليه ؟

الاستاذ : قول نصيبى عايزني اموت  
واحد : الحق اتباع على أرض الموت  
والحق ان ضاع فى دروب الضلمه تعيش خفافيش

واحد : يبقى الفجر على الأبواب  
على وعد الوعد بأنه يفوت  
تشهق فيه الروح ويموت

واحد : يوم تتواعد بالنبوت  
واحد : ايه حيخلى القمر المنسى فى الطرقات  
يرمي الضى فى ساحة الخوف  
يشهد أن العالم حي ماهوش اموات



طول ما الدنيا اتشالت كف عفریت  
طول ما الريح انعدت منها انطاطي انطاطي  
لما تفوت

العمدة : عمر الواحد متكوا ما يعرف  
حتى خطاه تروح على فين ؟  
لسه عليكوا كتير هتعيشوا في بطن الحوت

الاستاذ : عمر التبت التجاي من أرض بوار  
ما يوفى الزارع حقه  
يسكن عشش ابليس  
يتقلد بالمجانين  
يحلم أن الناس من طين  
وده مصنوع من طين

رئيس : دورى خلاص وانا ماشى  
الدجالين السهر معاكوا بسيرة ابليس مش هيه  
انا ما اعرفش احضر في الاباليس  
( مشيرا إلى الضرقة )

يا لا نشيد العوده لباب الدار  
هب واحد .. اتنين .. تلاته ..

الضرقة : يا ريت لا رحنا ولا جينا لباب الدار  
ولا تعبنا رجلينا في دا المشوار  
وعدنا حتى ما غدانا ويفول وخيار  
القصة باين راح تكبر في الاصل هزار  
رايحين مكانا ع القهوة لدورين اقمار

احسن نروح كده على سهوه فى حديد نحتار

العمده

: الكل يقعد فى مكانه

الكنز يطلع وتروح

يا اما احلف ع النعمه

محد هيكوا حيخطي

والكنز لسه بعيد عني

عيال صغار يوققوا حالي

كل دول حيروحو فى حديد

انا اتصلت بناس اكبار

والشرطه جايه تقمشهم زي الكتاكيت

والكنز يطلع من ارضي

الاستاذ

: الكنز مضروض للدوله

العمده

: وانا هنا ابن الدوله

( تدخل مجموعه من الشرطه ومعهم نائب العمده

عبد الفضيل مقبوض عليه )

الضباط

: الكل يثبت فى مكانه

الكل عندي صف تمام

اترمي جنبه ولا حركه

لو حد فيهم اتحرك اضرب مليون

العمده

: ( منشرح )

ايوه كده يا جناب البيه

حببت نور ناس حراميه

يعملوا على قلب .. ( لم يكمل )

الضابط	: وانت هنا صفتك ايه
العمده	: عمده يا بيه مسئول ع الكل
الضابط	: حط فى ايده حديد يا خفير
العمده	: انت لازم مش فاهم
	العمده يا بيه .. ال ... ع ... و ... ده
الضابط	: مش انت برضه العمده يا بيه
العمده	: ايوه يا بيه راجل الدوله
الضابط	: حط فى ايده حديد يا خفير
العمده	: لايد ابعث لاحسان بيه
	اكيد .. اكيد .. انك غلطان
الضابط	: يا ابو دقن انت يا واقف هناك
الدجال	: ضيف يا بيه ماشى مروح
الضابط	: قرب وقل مين وياك ؟
الدجال	: اخوان لذكر الله جايين .. الله حي ( كرر )
الضابط	: وانتوا ايه اللى جايكم عايزين ايه (للشباب)؟
واحد شاب	: جايين لسكه مقفوله
	نعدي منها بحور النور
الضابط	: معناته ايه .. فسر قصدك
الشاب	: معناته أن الباب مقفول
	بيصد شمس اليوم الجاي
الضابط	: كمل كلامك فى التحقيق
	اتوزعوا مجموعه يمين

وشمال قصادها يكونوا صفين  
( الدجالين صف شمال وصف يمين والضابط على  
المكتب والاستاذ مع الشله ونايب العمده والعمده  
فى الجهه اليسرى من مؤخره المسرح )

- الضابط : خفير العمده المخلوع  
يجبني بالأمر سريعاً  
العمده : لا احتج مهما انكان عمده  
عمده وقد العموديه  
الضابط : عمده بعد يومين ف ابو زعل ان شاء الله  
الخفير : جاهز وتحت الاذن يا بيه  
القهوه جاهزه معاه والشاي  
والعشا ان كنت حثتقعد  
الضابط : احبسه فى التخشيبه  
العمده : فى اللعبه شاركوا عيال اصغار  
وراس مكير اسمه الاستاذ  
الضابط : لثوق ايديك للحيط وشك  
وادعي ربي يشيل بلاويك  
ويخف من كتر ذنوبك  
رئيس : واحنا يابيه .. العمر مهوش تناتيش  
الدجالين : عمر الواحد جمله يروح  
وانا انسان مسئول فى بلدنا وليه ظروف  
وشأني كبير  
الضابط : اعرف شأنك ..

واحد دجال : يعني يا خى مسئول فى وكالة خردة  
ولا تكنشى عليك الدور  
مملوك لمليك من أهل الجان  
ما انت زى بقيت الناس مقاطيع  
حتى كراسى القهوة شمت  
ريحة عرقك قرفت منك

الضابط : قلبى يا سيدي .. انت بتعمل ايه  
ومعاك اجاويد الناس جايين هنا ليه

رئيس : هنا .. هنا لابن اختى  
الدجالين

العمده : انا بقربلك انت .. ؟  
نصيبه وجاره نصايب ناقصه كمان تلحقني لحد  
الباب

الدجال : أنا .. أنا .. أنا ..  
انت ابن اختى  
كنت بامثل دور وياك ومركب دقن قطيفه  
( يخلع الدقن )

العمده : مين .. آه يا حرامي يا خالى  
انت بتاع الكنز ..  
حد فى عيلته حرامي زى حالاتي كده نصاب  
جاي كمان للمره الثانيه تلعب لعبه حلق حوش

الاستاذ : اصل جدور العيله فى سابع أرض اصيله  
طالعه تواعد هشك من سلالات الحرب الأولى

العمده : اشميت يا ابن شتاب الفقر وديل العكروت  
الاستاذ : ممكن اكون اشتاب الفقر وديل العكروت  
العمده اكيد .. !!  
نائب العمده : كده مضبوط القول  
ابن غازيه وقتال قتله  
العمده : ابن غازيه آه  
أنت القتال قتله  
النائب : قصدي القول قاتل حلم الناس في الحاره  
معطل كل طموحات الخير  
لاجل تكون في مكاني  
نائب العمده : عمرى يا عمده ما كنت في يوم في خلاف وياك  
دا احنا اخوات  
العمده : لا اخوات ولا كنا جيران  
لو في طوفان .. ابني وكل الناس تحتيه  
وانا وحدي اعيش  
نائب العمده : اوعي تزل لتروح في حديد  
بلوه اخف كتير من الثانيه  
العمده : ما يحملني القول غير فعلك  
انت بديت ومعاك الشر  
رئيس : باين الحاله حقيقى هباب  
الدجالين : أنا راح أزوغ مهما انكان  
واحد دجال : امي زمانها اتنادي عليه بنص افرنك ( اخنف )

زميله : لما تساوي النص افرنك يا خبيبه  
 جدتكوا بلاوي حبت صبيع  
 انا ايه جابني اشيل بلاويكوا  
 الاخنف : يا الله نفني له يسامحنا  
 رئيس : فكره .. نطبل ونزمر له ونحييه  
 الدجالين  
 : كله يعد آلاته هب  
 الكل : هنا جاهزين  
 الرئيس : واحد .. اثنين .. ثلاثه  
 الجميع : لا حنا لصوص ولا حراميه .. الله الله  
 ولا كنا اطراف في قضيه ..  
 نروح كده شريته ميه ..  
 الموت لنا احسن ستره ..  
 الله الله يا عمدہ يا سارق بكره  
 واحد دجال : البيه دا بان اصله العالي  
 يفهم مقاصدي طوالى  
 يبعثلى افراج يكفانى  
 اللى جرى وايه راح يجرى  
 الله الله يا عمدہ يا سارق بكره  
 واحد دجال : ما كئش مره بينا ميعاد  
 وعمرنا ما فتحنا الباب  
 يدخل ما بينا واد نصاب  
 يلهف وياكل م الفقري

اللّٰه الله يا عمدہ يا سارق بکرہ

واحد شاب : قلبی معايا بیوجعنی

جایب کلاہ ما بتسمعنی

العمدہ دہ یاما یا عنی

فی المشتقّ حطه ذکرہ

اللّٰه الله يا عمدہ يا سارق بکرہ

نائب العمدہ : عمدہ لکن واد ع الماشی

یلہف وبعده ما خلاشی

وهوہ کلہ ما یسواشی

طوره درہ فی کیزان خضرہ

اللّٰه الله يا عمدہ يا سارق بکرہ

العمدہ : انا جدي کان بيه فی زمانہ

وابوک دہ کان من خرفانہ

راجع الزمان وایا اعوانہ

یدیک خازوق مضبوط احلی

الجميع : اللّٰه الله يا عمدہ يا سارق بکرہ

واحد دجال : فضنا من دي سيره

واحد یشوف أي حصيرة

تقعد ونشرب تعميرة

یعلی المزاج تحلی السهرة

اللّٰه الله يا عمدہ يا سارق بکرہ

الضابط : انتوا ضیوفی هنا اللیلۃ

هتشرهوا بیت العیلۃ



حالا حاشيلكوا هيله بيله

ع النيايه تشوف صرفه

الاخنف : يعني حنفضل هنا للصبح  
يادي الخيبه علينا وحطت

الاستاذ : ما حد يمشي ويتحرك  
الكفر كله ناس مجاريح  
تكون هنا محاكمه علنيه

واحد شاب : محاكمه لازم علنيه  
وكلنا رأي موافقين  
هنا يقعد قاضي  
هنا منادي الاسماء  
وادي الخفير هنا في حراسته  
وهنا متهمين

واحد شاب : نفتقر هنا تفقيصه  
وحراسه واقفه هنا ع الباب

آخر : ونشوف لنا واحد قاضي  
لايد يكون انسان واعى زي الاستاذ  
آخر : الأستاذ

الجميع : وافقنا طبعاً بالجملة

الضابط : الجلسة كده مش قانونيه

احد الشباب : ليه القانون كان عامليه

الضابط : علشان يجب حق المظلوم

- واحد شاب : مدام هدفنا معاه واحد  
 نعقد جلست  
 الجلسة هنا وسط القاعة وشهود اثبات  
 موجودة والناس عارفاهم ابات واخوات
- واحد : الكل واقف مستني الحق بيان  
 الضابط : الكل وافق ع الجلسة .. كله موافقين  
 ( المكتب يتوسط المسرح ويجلس عليه الاستاذ  
 في المنتصف ومستشاريه الشباب وآخر ينادي  
 الاسماء بينما عبد الفضيل والعمده في قضص  
 الاتهام والدجالين )
- الاستاذ : أول المتهمين باسمه نادي عليه  
 - : حلمي ماضى  
 العمده : حاضر ودايما طول عمرى في الحارة معاك  
 زمان ومتربى في بيتكم يرحم والديك
- الاستاذ : ما فيش ما بيني وبينك شر  
 غير حق الناس  
 اما الزمان سيبه في حاله لاهل زمان
- العمده : الحق من عندي حتاخده من قرش لائف  
 الاستاذ : الحق مش بس فلوس  
 الحق فيه أحلام ضايحه في وسط تروس
- العمده : ارضى من تعبى شاريها يشهود الناس  
 الاستاذ : الدم في الترعته بينده فيك الاحساس  
 العمده : ايه يعني قصدك عني تقول

ما كنت يوم قتال قتله

ولا حب عمري ضرر الغير

الاستاذ : المتهم الثاني

المتادي : عبد الفضيل محروس ترياس

نائب العمده : حاضرو عندي من الأقوال احفظها لنفسى

العمده : شوف الى كان بيقتل مين ولسه اولتوا امبارح

بعبار وطخ امي وماتت

الاستاذ : فسرويين قصدك ايه

العمده : مين اللى قادر يعملها ؟ نائب العمده

النائب : حرامي دايمنا واننا راح أرد

ككذاب يا بيه أوعي تصدق

الضابط : احزر ك لو تتكلم انت وغيرك من غير اذن

الاستاذ : سيبه خليه يتكلم

قول يا نايب قصدك ايه

الاستاذ : قوللى تم القتل ازاي

النائب : العند كان راكبه وعاييز

فى حلم راس المديرين

ويقول ما حدث خدني لتحت

خلاف يابيه ..

الاستاذ : ايه يا نايب خايف ليه

النائب : يا بيه .. دا له اعوان يامه

الاستاذ : وهو حتى جوه الحبس

النائب	: الخطه غيره ينفذها
	بس الأكاده بيحسبها
العمده	: اسالوه يا سعادة البيه .. قصد غيره يكون على مين
الاستاذ	: قول يا نايب .. ايه يعني غيره تقصد مين
النائب	: المجرم القتال قتله .. هوه يابيه
	الشرعاش جوه فى دمه
الاستاذ	: ايه يا عمده رد عليه
العمده	: هيه كلام فى الحق بيان
	هيه سلاح جوه ف بيته
	يشهد عليه الطب الشرعي
الاستاذ	: هين مكان سلاحه قول
العمده	: جوه حاصل ومخبيه
الاستاذ	: امر حالا بالتفتيش
	يجيتا أي سلاح ملكه
	( يتحرك الضابط ويرسل الخفير ومعه اثنان من الشباب )
الاستاذ	: ليه يموت ف اهل الكفر
النائب	: يرد يقللك ليه هوه
العمده	: يا بيه ده اصله شراني
	يحب يؤذى الناس عمره
	هى الكفر قالوا عليه قالوا آه

الاستاذ : اسمع بيقولوا ايه عليه  
نائب العمده : اللى بيقتل هوه يابيه  
واللى بيقلع زرع الناس  
واللى بيسرق مال الغير  
احب اعيش مستور الحال  
على قد قوت يكون مضمون  
الاستاذ : مضمون ..؟؟ الرزق مضمون عند الله  
النائب : يقولى دائما ناس عليين  
يحرسوه ميهمكشى  
العمده : ضلهم زي ضل امشير  
فى داهيه رحت باسبابهم  
لا كارت جاني ولا مرسل  
يشد حيلى فى غيبهم  
او حتى منهم جاني وسيط  
مساعدته فى الورطه السوده  
النائب : من اصله .. آذى الناس علي ايه  
لامى كان مره غازيت  
ولا فكرى كان فى العموديت  
ولا احب ارضى تزيد فدان  
واتحدى اهلى علشانهم  
الاستاذ : القتل يعني لصالح مين  
النائب : هو اللى قاتل عندي دليل  
الاستاذ : عرفني قلى دليلك ايه

- التائب : عمره دافعه للخونه  
الناس تخشاه  
العمده : عندك دليل  
أحد الشباب : عندي سؤال للعمده  
يسمحلى القاضى  
الاستاذ : أي سؤال هترد عليه  
الواحد : لما كان واحد يقولك ابن غازيه  
يختفى .. نلاقيه مقتول وسط الترع  
أو فى زيبه بين مواشيه  
العمده : دليل يا أستاذ مش كافى  
واحد : عند دليل  
العمده : ليه مخبيه .. ؟  
الواحد : بنت كفاية كان شغاله معاك فى القصر..  
راحت فين  
العمده : هريت .. تاهت وسط البندر ومرجعتش  
اعمل ايه .. ؟  
الاستاذ : ايه خلاك تعتدي على ناس الدوله  
وتأخذ ليه اوراق رسميه  
العمده : ارضى وملكي وفيها الكنز  
الاستاذ : يعني مين يمانعني  
الاستاذ : كنز الناس وتاريخ الدوله  
العمده : ايه بيعيب الدوله لكفر تسالى

الدوله فى مصر عايشه فى عرس

ايش جاب العرس لقلب البؤس

- الاستاذ : يعنى منعت الناس  
العمده : حقى يا بيه  
الاستاذ : اكتب عندك انه مدان  
واحد شاب : عندي سؤالى يا سعادة القاضى  
الاستاذ : اللى فى نفسه أى سؤال له يسأل رد عليه  
الواحد : كنت فى قلب الكفر فقير  
كل ميراثك دوب قيراطين  
قولى ازاى بقى عزبه وقصر  
العمده : يعنى افهم ان ده قر  
واحد شاب : كنت فى كفر تسالى بسيط  
اهلك ناسك .. اصلك فصلك .. يعنى مفيش  
قولى ازاى مديت الايد وطولت العالى  
( العمده يصمت )  
الاستاذ : رد يا .. ع ... ر ... ده  
العمده : داخله ايه .. وليه الاحراج  
الاستاذ : اسمع كل كلامه ورد عليه  
العمده : عايز اتكلم فى الموضوع  
قتل ان كان أو سرقه  
الاستاذ : لا .. برضه تجاوب ع السؤالين  
العمده : لو حتكلم مش حيكنى معاكوا اسبوع

الاستاذ : فاضى يا عمده علشان خاطرك  
العمده : وانا وياك ولا اخاف من شئ  
راحت راحت ايه حيكون  
الاستاذ : سجل عندك كل كلامه  
العمده : سجل عني كل كلامي  
( يتجه إلى مقدمة المسرح )  
أول شئ أنا كنت فقير  
كنت اجير .. كنت اجير بلقمة عيش  
كل الناس بتقول ده عبيط  
كل الناس قدامي كنت باشوفهم زي بلابيص  
يعني كنت انسان شفاف  
اعرف منك ايه جواك  
افهم ايه فى حياتك له تأثير  
كنت بحاول افهم واعرف واحفظ  
يدخل فكرى ومخبييه  
كنت صغير .. والظلم كبير  
وكل الناس بتفتح الشر تدوس ع الخير  
كنت صغير ومشيت مسكون بالربع  
همس الخوف فى كفى  
بالخوف .. بالربع .. لما كبرت  
خبرة عمرى يوماتي تزيد  
لما وصلت لألعب لعبه



لعبه وضرى مهوش مسنود ..

تيجي ازاي ؟ فيه تخطيط

قلت يا واد يستدني أمين

قلت ضعيف

قلت يا دوب على قد الحال

كان مرسال

بعت الكفر بهمس البال

بكره عليه الدور همس وصال

بكره اخدتوا طريق للغير

بعت بقت كفور الناحية بعود جرجير

عملى فلافل .. فلعل خطي لحد الدار

خضن الكفر ف كمي يعيش

: يموت ..

الاستاذ

: كله كان مساواه

العمده

جوه الكمر الثاني ناس نايمين م الخوف

لاجل تكون قدام دوس ع الغير

يدي .. هوه طريق موصول

دوس يتواعد فيك الشوق تلقى الدنيا بريق

واسحب فعل القول

خطي تولع فى الاحياء شياط الموت

حلقى المر بيطرخ جوه حلقو الخلق مرار

موت يا تاريخ

ازاي وانا لسه باعيش

( الخفير يدخل )

الخفير : تمام يا سعادة البية  
( الضابط يتصفح التقرير ) ثبوت بصمات تؤكد

العمده : تؤكد ايه والا ايه والا ايه

الفرق مش اصبح كبير

والقتل مش اصبح عسير

والخلق مش عارفه المصير

الضابط : بصمتك هيه عليها

للنائب

النائب : الى كان ملهوش سؤال

الى كان دوب تعرفوه وتحفظوه

وتفهموا بتعيشوا ليه

تعرفوا ان الحياة زي الحروف .. زي البشر

الحروف متفرقة ملهاش مكان

مكان متجمعه تضرب نيشان

متجمعه يبقى الحزام مظلوط تمام

وانتوا السبب ( يتجه الى الجمهور )

تصوصوا جوه الجحور

والدم يفور

عند الخلاص

ترجعوا جوه القبور

كله مات .. فى سكات

همسه فوق كل البيوت نايم بيات

العمده : الى مات جوه السكات والموت اتاه من الخرس  
في الخلا عاش سهله  
يرمح كانه ميت فرس  
الاستاذ : باقى الطريق ممدود طويل  
ويامه فيه من أسئلته  
العمده : قصر الكلام والمسائل  
احب اسألوكوا سؤال  
وانت يا شيخ الفلسته جاوب عليه  
الاستاذ : انا وياك وعارفتني صريح  
العمده : ابو بندارى .. كل الناس بتقابلته تحب ايديه  
علشان ايه ؟ شغلته اين  
( ينظرون الى بعضهم فى صمت )  
انا راح اقول  
شيخ منصر .. قتال قتله  
له فى الناحية عصابة  
ترهب .. تقتل .. تسرق ..  
اقلع اتاوات من الناس اجبارى  
وان قابلوه فى طريق يبوسوا ايديه  
يتمسحوا فيه  
فيه من قال راجل مبروك  
نعمله مقام  
كنت اجير .. ازرع قبل البذرة الخير والحب للغير  
كنت بأشيل الزرع لحد الباب

تدوسوا الحب وتكرهوا فيه احلامي الجايه  
 شيلت هموم الناس فوق كتفي  
 همي ما همش حد  
 عشت عشان الناس ولا حدش عاشني  
 الاستاذ : هنا فيه سؤال محدود  
 انت بقيت ازاي  
 تسألني ليه ؟ قتلت مين ونهيت مين  
 العمده : كل أهل الكفر ماتوا  
 والعيال الجاي جايه ميته  
 منك انت يا فلسفه  
 بالكلام غيرتوا ايه  
 ما تقولوش .. انا فعلى ايه .. جاهل بقى وفعلى  
 كده  
 دايما غلط .. قلّة علام .. والعلام بيقولوا نور  
 وانتوا كان فى الكفر لازم .. تبقوا ثورة ع الغلط  
 البيان تهل نور بالمعرفة  
 نائب العمده : صنع الحياة مش بالهروب  
 موت الأمير يدي البعير الصرمحه  
 واحد شاب : شيل السباخ مين أولى بيه  
 بايت جعان ؟ ميت على قلبه الهموم ؟  
 العمده : وسط الصراع تلقى العنّ وسط الشقوق  
 تلقى مساحته الضى أوسع م الشروق  
 وانما تحت الغطي .. محتاجه ايد تهزها

- واحد شاب : كنا على وعد الحياة نملأ المكان  
نرجع على عمر الزهور ، نلقى السكك متقلله  
نبدر حياتنا مزروعين ف أرض بور
- واحد : التورف وش الكون ضلام من فعلكم  
العمده : اللي سرق قلبه ضعيف  
ينتني والحق اعلى من الجبل  
زي الصخور ما تتعتة  
لو لك ارادة تغيره حتغيره  
وقلبك جسور
- الضابط : المحكمه ايه رأيها في المجرمين  
الاستاذ : واصل سؤال المتهم مين يسأله  
العمده : جاوب سؤالي أولا  
السكوت ع الحق ايه يا معرفه ؟  
متقلوش عني أنا  
السكوت ع الحق يصيح م الشيطان وسكت ليه ؟  
يعني احنا ملزمت مدبست في بعضها  
يفصلنا مين .. ؟
- الاستاذ : يتحولوا للمحكمه  
العمده : وانتوا ايه ؟  
الدجالين : واحنا ايه ؟  
الضابط : انتوا الشهود يا مريسه  
العمده : وانتهم جميعاً بالتهم زي انا

اللى سكنت واللى ستر يقوم بدور اللى قتل واللى  
نهب

يعلقوه فى المشنقة

من حقى برضه تعدموا .. زي انا

ايه رأيكم ( للجمهور )

تحبوا نطلع كلنا ع المشنقة

مش أنا وحدي أنا

اللى اكون انسان ورق

كلنا بتعيش هنا .. انسان ورق

( يقف الجميع ويردد )

الجميع : انسان ورق .. انسان ورق .. انسان ورق

من أي شئ بيتحرق

انسان ورق

الضمير نازل معاه ف بحر الفرق

انسان ورق .. انسان ورق .. انسان ورق

[ مع اسدال الستار ]

#### صدر للشاعر

- مراكب خوف
- وشوش جابت النهار
- حكايات من زمن السكات
- أصول وقصود في الشعر العامي والزجل
- الهيئة العامة للكتاب ١٩٩٤
- هيئة قصور الثقافة ٢٠٠٢
- على نفقتي الخاصة ٢٠٠٥
- دراسة متفرقة في الجرائد

#### تحت الطبع

- حدودتي ولد غاوي
- حب أول الزمان
- بستان الكوثر
- عزف الجوازي
- شعر درامي
- مسرحية شعريّة عن أوبرا عايدة
- شعر أطفال
- شعر

رقم الإيداع بدار الكتب  
٢٠٠٥/٩٥٦٤

الترقيم الدولي I.S.B.N  
977-374-072-2



دار الإسلام للطباعة والنشر  
٠١٢٢٦١٤٣٦٣ - ٠٥٠ / ٢٢٥٠٤٥٣